


文苑英華

一





據中國國家圖書館藏宋嘉
泰元年至四年周必大刻本
影印原書版框高二十二
一釐米寬十六釐米



隱逸
寺院塔附
調和

卷一
苑英華

四百三十一
四十一



隱逸二

處士四十五首

山人二十一首

處士

春日送麗處士歸龍山

釋無可

愛弟直霜臺家山羨獨迴出門時返顧何日更西來柳亦臨關發花應到越開漁舟誰伴上依舊恣沿洄

酬吳處士

一作寄朱慶餘

周賀

已當聽鴈夜多事不一作少同居故疾離城晚秋霖見月踈赴一作聽鍾開靜戶帶一作掃葉卷殘一作閑書蕩一作盪漿期南去荒園久廢鋤

此詩二首卷一百六十一卷重出並已別去在異司為一作

送沈處士赴蘇州李中丞招以詩贈行

杜牧

山城樹葉紅下有碧溪水溪橋向吳路酒旗誇酒美下馬此送君高歌為君醉念君抱材能百工在城壘空山三十年鹿裘挂窓睡自言隴西公飄然我知己舉酒屬吳門今朝為君起懸弓三百斤囊書數萬紙戰賊即戰賊為吏即為吏盡我所有無惟公之指使予曰隴西公滔滔大君一作公子常思掄群材一為國家治譬如匠見木礙眼皆不棄大者麤十圍小者細一指楛楸與棟梁施之皆有位忽然豎明堂一揮立能致予亦何為者亦受公恩紀處士常有言殘虜為大豕常恨兩手空不得一馬筆今依隴西公如虎傳兩翅公非刺史材當坐巖廊地處士瑰竒姿必展平生志東吳饒風光翠巘多名寺踈煙疊疊秋獨酌平生思因書問故人能忘批紙尾公或憶姓名為說都憔悴

贈宣州元處士

前人



陵陽北郭隱身世兩忘者蓬蒿三畝居寬於一天下樽酒
前作對不酌默密一作與玄相話人生自不足愛嘆遭逢寡

卷重出今已削去注異同為一作

題韋處士山居

集作題韋隱居西齋

許渾

斲藥去還歸家人半掩扉山風藤子落溪雨集作水豆花肥
寺遠僧來少橋危客過一作到稀不聞碓杵動應解剪集作製

贈裴處士

前人

為儒白髮生鄉里早聞名煖酒雪初下讀書山欲集作未明
字形翻鳥跡詩調合猿聲門外滄浪水知君欲濯纓

送集作別韋處士

前人

南北斷蓬飛別多相見稀更傷今日贖集作酒未換昔時集作年
友舊友幾人在汝郡可祈集作歸秦原向西路集作空晚雪

霏霏

此詩二百八十八卷重出今已削去

將赴京師留題孫處士山居二首

前人

西巖有高興路僻幾人知松蔭花開少集作晚山寒酒熟遲
遊從收集作隨野鶴休息過集作遇靈龜長見隣翁說容華似
舊時

二

草堂近西郭遙對鏡集作敬亭開枕膩海雲起簟涼山雨
來高歌懷地肺遠賦憶天台應笑集作學相如志終須駟
馬迴

寄昭亭揚處士

集作寄陽陵處士

前人

舊隱青山紫桂陰一書迢遞寄歸心謝公樓上晚花發集作盛
揚子宅前春草深吳岫雨來溪鳥浴楚山集作江雲暗嶺猿
吟野人寧負滄洲伴會待吹竽定至音

題獨孤處士村居

薛逢

江上園廬荆作扉
男驅耕犢婦鳴機
林巒富戶萬蘿暗
桑柘繞村薑芋肥
三畝稻田還謂業
兩間茅舍亦言歸
何如一被風塵染
到老云云相是非

處士廬岵山居

溫庭筠

西溪問樵客
遙識楚集作主人家
古樹老連石
急泉清露沙
千峰隨雨暗
一逕入雲斜
日暮鳥飛散
滿山麩麥花

題陳處士幽居

前人

松軒塵外客
高竹集作披自蕭疎
雨後苔侵井
霜來葉滿渠
閑看鏡湖盡
時得越僧書
若待前溪月
誰人伴釣魚

題李處士幽居

前人

水玉簪頭白一作戴
角巾瑶琴寂
歷拂輕塵穠
陰似帳紅薇
晚細雨如煙
碧草春一作新
隔竹見籠疑
有鶴卷簾看畫

四五一三

文苑二百廿一

年

更集作靜無人南窓集作山自有忘機集作年友谷口徒稱鄭子真

李羽處士寄新醞走筆戲酬

前人

高譚有伴還成藪
沉醉無期即是鄉
已恨流鶯欺謝客
更將浮蟻與劉郎
簷前柳色分張綠
窻外花枝借助香
所恨玳筵紅燭夜
草玄寥落近迴塘

處士隱居

張祐

斜日半飛閣
高簷集作簾輕翳一作翳遠空清香芙蓉水
碧冷琅玕風絕岸
派沿泐脩廊趾
崇隆唯當餌仙術
坐作朱顏翁

送鄭台處士歸絳巖

方干

榮啓先生挾琴去
厭尋靈勝憶巖栖
白猿啼集作垂樹窻邊月紅
鯉鱈鈎竹外溪
慣採藥苗資素饌
曾書蕉葉寄新題
古賢猶愴河梁別
未可忽忽便解携

書桃花塢周處士壁

前人

醉吟雪月思彌苦思苦神勞白集作新髮生自學古賢修靜
節唯應野鶴識高情細泉出石飛難盡孤燭和雲濕不明
何事懶於愁叔夜更無書信集作札答公卿

贈黃處士

前人

閉戶先生無是非竹灣松榭藕絲集作苗衣愁吟密雪思難
盡醉倒落集作殘花扶不歸若出薜蘿迎鶴簡應隨舴艋別
漁磯到頭苦節終何益空改文星作少微

贈中巖王處士

前人

垂楊裊裊草芊芊氣象清深集作虛似洞天援筆便成鸚鵡
賦洗花亦集作湏用桔槔泉商於避世堪同日渭叟集作曲逢
時必有年直恐肺集作剛腸閑不集作未得醉吟爭柰被才牽

送房處士閑遊

李群玉

注集作採藥陶貞白尋山許遠遊刀圭藏妙用巖洞契冥搜

四卅文

文苑二百世

花竹集作月三湘集作江水琴樽一葉舟羨君隨野性集作鶴長
揖稻梁愁

贈包處士

李洞

秋思枕月卧瀟湘寄宿慈恩竹裏房性急還於碁上慢身
閑未免藥中忙休拋手網驚龍睡曾挂頭巾拂鳥行聞說
石門君舊隱寒峯濺瀑壞書堂

虎丘寺贈魚處士

趙嘏

蘭若雲深處前年客重過巖空秋色動水闊夕陽多早負
江湖志今如鬢髮何唯君閑勝我釣艇在煙波

送韋處士歸省朔方

前人

映柳見行色故山當落暉青雲知己歿白首一身歸滿袖
蕭關雨連沙塞鴈飛到家翻有喜借取老萊衣

贈曹處士幽居

前人

竹裏集作寺裏還於集作却於寒峯集作寒風

勾漏先生冰玉然曾將八石問群仙中山暫醉一千日南苑住來三百年碁局不收花滿洞霓旌欲別浪翻天何須更學鷓夷子頭白江湖一短船

新秋雨霽宿王處士東郊

馬戴

夕陽逢一雨夜雨洗清陰露氣竹窻靜秋光雲月深煎嘗靈藥味話及故山心得意兩不寐微風生玉琴

送胡處士歸湘南

李頻

見話荆湘切長愁有去時江湖秋涉遠雷雨夜眠遲舊業多歸興空山盡老期天寒一瓢酒落日擬留誰

秋晚訪李處士所居

皮日休

門前蕞水碧潺潺靜釣歸來不掩關書閣鼠穿厨簾破竹園霜後枯棹閑兒童不許驚幽鳥藥草須教上假山莫爲愛詩偏念我訪君多得醉中還

四七五三

文二百卅一

五

李處士郊居

前人

石衣如髮小

一作水

溪清溪上柴門架樹成園裏水流澆竹

響窸中人靜下碁聲幾多狎鳥皆諳性無限幽花未得名滿引紅螺詩一首劉楨失却病心情

送陸處士

張喬

罇前放浩歌便起

一作處

泛煙波舟楫故人少江湖明月多

孤峯經宿上僻寺共雲過若向仙巖住還應着薜蘿

送韓處士歸少室山

前人

江外歷千岑還歸少室吟地閑緱嶺月窻迴洛城砧石竇垂寒一作新乳松枝長別琴他年瀑泉下亦擬置家林

西蜀淨衆寺松溪八韻寄水筆崔處士

鄭谷

松因溪得名松吹答溪聲繚繞能穿寺幽竒不在城寒煙齋後散春雨夜中平染岸蒼苔古翹沙白鷺明澄分僧影

瘦光徹客心清帶梵侵雲響和鍾激石鳴淡烹新茗爽
暖泛落花輕此景窮一作吟難盡憑君畫入京

蔡處士

前人

無着復集作便無求平生不解愁鬢疏貧淨潔中酒病風流
旨趣陶山相詩篇沈隱侯小齋江色裏籬柱繫漁舟

梁燭處士辭金陵相國杜公歸舊山因以寄贈 前人

相庭留不得江野有苔磯兩浙尋山遍孤舟載鶴歸世間
書讀盡僧集作雲外客來稀諫署搜賢急應難借布衣

長安夜坐懷寄湖外嵇處士 前人

萬里念江海浩然天地秋風高群木落夜久數星流鍾絕
分宮漏螢微隔御樓集作溝遙知集作思洞庭上葦露滴漁舟

寄贈楊夔處士 前人

結茅依約釣魚臺濺水鷗鷺去又迴春卧甕邊聽酒熟露
吟庭際待花開三江勝景遨遊遍百氏群書講論集作貫來

國步未安風雅薄可能高尚抑天才
此詩二百六十四卷重出今已削去

題仇處士郊居 兼官卜居 杜荀鶴

江南景簇好集作此林亭手板藍裾自可輕洞裏客來無俗
話一作語郭中人到有山情閑拋集作敲巖果呼猿接時釣溪

魚引鶴爭笑我有詩三百首馬蹄終日急於名 王貞白

憶張處士 大台張處士詩句造玄微古樂知音少名言與俗違山風
入松徑海月上巖扉畢世唯高卧無人說是非

韋曲杜處士新居 羅隱

翠斂王孫草荒誅宋玉茅冠餘無故物時薄少深交迸笋
穿集作侵行逕飢鷓出壞巢小園吾亦有多病近來拋

酬張章集作處士見寄

前人

中原甲馬未曾安今日逢君事萬端
亂後幾回鄉夢隔別來何處路行難
霜鱗共落三門浪雪鬢同歸七里灘
何必新詩更相戲小樓吟罷暮天寒

早春送處士張坤歸汴州集作

前人

蕭蕭羸馬正塵埃又送歸軒向吹臺
別酒莫辭今夜醉故人知是幾時來
集作泉經華嶽猶應凍花到梁園始合開
為謝東門抱關吏不堪惆悵滿離盃

贈鏡湖處士方干二首

曹日松

包含教化剩搜羅句出東甌柰峭何
世路不妨平處少才人唯是屈聲多
雲來島上便幽石月到湖心忌白波
後輩難為措機杼先生織字得龍梭

二

四十八

文苑三百世

十

後

祇擬應星眠越絕唯將麗什當高勳
磨龍窟清濁人難會織絡虛無帝亦聞
鳥道未知山足雨漁家已沒鏡中雲
他時莫為三衢起門外沙鷗解笑君

再訪陸處士

前人

萬卷書邊人半白再來唯恐降玄纁
性靈比鶴爭多少氣力登山較幾分
吟鬢漸無前度漆寢衣猶有昨宵雲
將知谷口耕煙者低視齊梁楚趙君

題任處士脩精舍

魚玄機

幽人期竒境遊客寄一作行程粉壁空
留字蓮宮未有名鑿池泉自出開徑草
重生百尺金輪閣當川豁眼明

山人

寄鄭霍二山人

王維

翩翩繁華子多事集作出金張門幸有先人業
早逢集作明

主恩同集作童年且末集作未學肉食驚華軒豈乏中林士無

人薦至尊鄭生老泉石霍子安丘樊賣藥不二價著書盈

萬言息陰無惡木飲水必清源吾賤不及議斯人竟誰論

遊李山人所居因題屋壁 前人

世上皆如夢狂來或自歌問年松樹老有地竹陰集作林多

藥倩韓康賣門容尚子過翻嫌枕席上無那一作柰白雲何

寄張十二山人彪 杜甫

獨卧嵩陽客三違一作逢穎水春艱難隨老母慘澹向時人

謝氏尋山屐一作屐陶公一作潛鹿酒巾群兇彌宇宙此物在

風塵歷下辭姜被關西得孟隣早通交契密一作關晚接道

流新靜者心多妙先生藝絕倫草書何太一作甚古詩興不

無神曹植休前輩張芝更後身數篇吟可老一字買堪貧

將恐曾防寇深潛託所親寧聞倚門夕盡力潔殮晨踈懶

五廿二 文苑二百廿一 小 胡係

為名悞驅馳喪我真索居猶寂寞相遇益酸一作愁辛流轉

依邊徼逢迎念席珍時來故舊少亂後別離頻世祖修高

廟文公賞從臣商山猶入楚源一作端水不離一作流秦存想

青龍秘騎行白鹿馴耕巖非谷口結草即河濱肘後符應

驗囊中藥未陳旅懷一作懷殊不愜良覲渺無因自古皆悲

恨浮生有屈伸此邦今尚武何處且依仁鼓角凌天籟關

山信月輪官場羅鎮磧賊火近洗岷蕭瑟一作索論功一作兵

地蒼忙鬪將辰大軍多處所餘孽尚紛紛高興知籠鳥斯

文豈一作起獲麟窮秋正搖落回首望松筠

送范山人歸太山 李白

魯客抱白鶴別余往太山初行若片雪一作雲杳在青崖間

高高至天門海日近可攀雲生望不及此去何時還

送楊山人歸嵩山 前人

我有萬古宅高陽一作山玉女峯長留一片月挂在東溪松
爾去掇仙草菖蒲花紫茸歲晚或相訪青天騎白龍

下終南山過斛斯山人宿置酒 前人

暮從碧山下山月隨人歸却顧所來徑蒼蒼橫翠微相携
反田家稚子開荆扉綠竹入幽徑集作青蘿拂行衣歡言
得所憩美酒聊共揮長歌吟松風曲盡河星稀我醉君復
樂陶然共忘機

送鄭山人還廬山別業 劉長卿

淨陽數畝宅歸卧掩柴關谷口何人待一作門前秋草閑
忘一作機賣藥罷揮手一作杖藜還舊筓成寒竹空齋向
暮山水流經一作舍下雲去一作起到人間桂樹花應發因
行寄一攀

此詩二百七十卷重出今已削去注異同為一作

四百一十

文苑二百卅一

水

不

送朱山人放歸山陰 見三百十八卷 前人

入白沙渚寅緣二十五里至石室山下懷天台

陸山人 前人

遠嶼藹將夕翫幽行自遲歸人不計日流水閑相隨輟棹
石集作崖口捫蘿春景熙偶因迴洲次寧與前山期對此
瑤草色懷君瓊樹枝浮雲去寂寥集作白鳥相集作因依
何事愛高隱但令勞遠思窮年卧海嶠永望愁天涯吾亦
從君一作去扁舟何所之迢迢江上帆千里東風吹

宿關西客舍寄東山嚴許二山人時天寶初七月
三日在學見有高道舉徵 岑參

雲送關西兩風傳渭水集作秋孤燈燃客夢寒杵擣鄉愁
灘上思嚴子山中憶許由蒼生今有望飛詔下林丘

寄華陰山人李岡 前人

君隱處當一星蓮花峯頭飯黃精仙人掌上演丹經鳥可到人莫攀隱來十年不下山袖中短書誰為達華陰道士賣藥還

送楊山人歸嵩陽

高適

不到嵩陽動十年舊家時一作心事已徒然一二故人不復見三十六峯猶眼前夷門二月柳條色流鶯數聲淚沾臆鑿井耕田不我招知君以此忘帝力山人好去嵩陽路唯余眷眷長相憶

送韋山人

二字集作

歸鍾山別業

李嘉祐

旗亭閱書罷

集作祈門

負笈向桃源萬卷長開帙千山不

掩

集作千

門綠楊垂野渡黃鳥傍山村冷爾能高枕丹墀

會一論

此詩二百七十一卷重出今已削去

野渡後篇作

送陸鴻漸山人採茶迴

皇甫曾

四一七

文苑二百世

十

俊

千峯待逋客香茗復叢生採摘知深處煙霞羨獨行幽期山寺遠野飯石泉清寂寂燃燈火相思一聲磬聲

贈強山人

郎士元

或棹輕舟或杖藜尋常適隨

集作

意釣前溪草堂竹邈在何

處落日孤煙寒渚西

送王山人歸別業

集作送元晟

皇甫冉

深山秋事

問氣集

早歸

集作

去意

集作

何如澗露收新稼迎

寒葺舊廬題詩即招隱作賦足

集作

閑居別後空相憶嵇

康懶寄

集作

書

此詩二百七十二卷重出今已削去

送李山人還

前人

從來無檢束只欲老煙霞雞犬聲相應深山有幾家

送李山人還玉溪

顧況

好鳥共鳴臨水樹幽人獨欠買山錢若為種得千竿竹引取君家一眼泉

題贈韋山人

耿緯

失意成逋客終年獨掩扉無機狎鷗慣多病見人稀流水知修一作行藥孤雲伴採薇空齋暮還坐心事與時違

奉和張大夫詔高山人

司空曙

野客居鈴閣重門將校稀豸冠親殺弁龜印織集作識荷衣坐久寒泉集作聽爽談餘暮角微蒼生須太傅山在豈容歸

送麴山人往集作住衡山

前人

白石先生眉髮老集作光已分紺集作甜雪飲紅漿衣巾半染

煙霞色集作氣語笑兼和藥草香茅洞玉聲流暗水衡山碧

氣集作色映朝陽千年城郭如相問華表峩峩有夜霜

文苑英華卷第二百三十一

登仕郎胡 柯 鄉貢進士彭 叔夏 校正

隱逸三

山人三十三首

隱士四十二首

山人

送侯山人赴會稽

崔峒

仙客辭蘿月東中就一官且歸滄海住猶向白雲看猿叫
江天暮蟲聲野浦寒時遊鏡湖裏為我把魚竿

禁中送任山人

此人自青城獻伏火諸石恩命令於本山更取大還

李祕

子去非長遠君恩取大還補天留彩石縮地入青山獻壽
千春一作外來朝數月間莫拋殘藥物竊欲駐童顏

行藥前軒呈董山人

盧綸

不覺老將至瘦來方自驚朝昏多病色起坐有勞聲體一作騰
暖苦肌癢藏虛唯耳鳴桑公富露術一為保餘生

四百十五

文苑二百三十二

一

劉亮

早行寄朱山人放

戴叔倫

山集作風曉旅人去天高秋氣悲明河川上沒芳草露中衰

集作滋此別又萬集作千里少年能幾時青冥詩選作心知剡溪路

集作遠心與謝公期詩選作聊且寄前期

贈李山人居

前人

此意無所欲集作靜無事閉門風景遲柳條將白髮相對共垂絲

酬秦山人出山見呈

釋皎然

手携酒榼共書幃迴語長松我即歸若是出山機更一作亦
息嶺雲何事背君飛

尋李山人不遇

王建

山客長閑少在時溪中放鶴洞中碁生金有氣尋還遠仙
藥成窠見即移莫為無家陪寺宿一作食應緣將米寄人炊
從頭石上留名去獨向峯前問老師

太山集作老人

張籍

日觀東邊

集作

幽客住竹巾藤帶亦逢迎暗修黃錄無人

見深種胡麻共犬行洞裏仙家常獨往壺中靈藥自為名

春泉四面遠

一作西

茅屋日日唯聞杵臼聲

池上贈韋山人

白居易

新竹夾平流新荷拂小舟衆皆嫌拙好誰肯伴閑遊客為
忙多去僧因飯暫留猶憐韋處士盡日共悠悠

題施山人野居

前人

得道應無着謀生亦不妨春泥秧稻暖夜火焙茶香水巷
風塵少松齋日月長高閑真是貴何處覓侯王

贈王山人

前人

聞君減寢食日聽神仙說暗待非常人潛求長生訣言長
本對短未離生死轍假使得長生纔能勝夭折松樹千年

四百卅五

文苑二百三十二

二

刘亮

朽槿花一日歇畢竟共虛空何須誇歲月彭殤徒自異生
死終無別不如學無生無生即無滅

送孫山人

姚合

山人言語質住世恨多時集作不肯住多時塵土衣裳重腥
羶僕隸肥林中愁不到城外老應遲誼寂一為集作別相
逢未有期

寄崔之仁山人

前人

百門陂集作上住石屋兩三間日月難教化集作妻兒乞
與閑仙方集作揀客示集作酒價集作煮金還何計能相

引集作終身得在山

贈王隱山人

于武陵

石室掃無塵人寰與此分飛來南浦樹半是華山雲浮世
幾多事先生應不聞寒川滿西日空照鴈成羣

送褚山人歸日本

賈島

懸帆待秋色去入杳冥間東海幾年別中華此日還岸遙
生白髮波盡露青山隔水相思在無書也是閑

贈劉山人

前人

二十年中服集作茯苓致書半是老君經東都舊住商人
宅南國新修道士亭鑿井集作養蜂休買蜜坐山秤藥不
爭星古來隱者多能卜欲就先生問丙丁

送朴山人歸日本

釋無可

海際晚帆開應無鄉信催水從荒外積人指日邊迴望國
乘風夕浮天絕島來儻因華夏使書禮疑作轉悠哉

送耿山人歸湖南

周賀

南行隨越僧別業幾池菱兩鬢已垂白一作五湖歸挂罾
夜濤鳴柵鎖寒葦露船燈此去已無事却來知未能

四十三

文苑三百三十二

三

刘信

曉別呂山人

劉得仁

踈鍾兼漏盡曙色照青氛樓鶴出高樹山人歸白雲月盈
集作期重宿丹熟集作約相分羨入秋風洞幽泉子細聞

別王山人

前人

旨甘集作自足未是祿榮親尚逐趨時伴多離有道
人山居衣以集作草生計藥隨集作身不食長無疾集作

年知出一作十旬

集本皆不及此書

贈陶山人

前人

處世例營營唯君縱此生閑能資壽考健不換公卿藥圃
妻同耨山田子共耕定知丹熟後無姓亦無名

送祖山人歸山

前人

偶來朝市笑浮雲却憶煙霞出帝城不說金丹能點化空
教弟子學長生壺中瀉酒看雲飲洞裏逢師下鶴迎料得

仙家玉牌上已鐫白日上昇名

贈王山人

許渾

貫酒携琴訪我頻始知城郭集作市有閑人君臣藥在寧憂
病子母錢成豈患貧年長每勞推甲子夜寒初共守庚申
近來聞說燒丹處玉洞桃花萬樹春

送徐山人歸睦州舊隱

雍陶

君在桐廬何處住草堂應與戴家隣初歸山犬翻驚主久
別沙集作江鷗却避人終日欲為相逐計臨歧集作當時空羨獨
行身秋風釣艇遙堪集作相憶七里灘西片月新

送朴山人歸新羅集作海東

馬戴

浩渺行無極揚帆但信風雲山過海畔集作半鄉樹入舟中
波定遙天出沙平遠岸窮集作蒙離心寄何處日斷曙霞東

題桐廬謝逸人一作謝山人江居

方干

四
甲十三

文苑二百三十一

四

刘信

少小高眠一作民無一事五侯勲盛欲如何潮邊倚竹寒吟
苦石上橫琴夜醉多鳥自樹梢隨菓落人從牕外卸帆過
由來朝士為真隱可要棲身向薜蘿

贈唐山人

李洞

垂鬢長我髮七十黑如鬣醉眼青天小吟情太華低房烘
離海日舟陷落潮泥叩蜀路無限往來琴自一作獨携

送劉山人歸洞庭

李頻

去意無人會唯應道是從半湖乘早月中路入踈鍾秋盡
戶蟲急夜深山雨重當時將隱者分得幾株松

題簡山人

張喬

名利了無時何人暫詣師道情閑外見心地語來知竹落
穿窻葉松寒蔭井枝匡山許同社願卜挂帆期

贈別李山人

前人

分合老西秦年年夢白蘋曾為洞庭客還送洞庭人語別
惜殘夜思歸愁見春滄浪濯纓處應念蒲衣塵集作遙知泊舟
沙月自相親

送謝山人歸江夏

陳陶

黃鶴春風二千里山人佳期碧江水携琴一醉楊柳堤日
暮龍沙白雲起

尋九華王山人

楊夔

下馬扣荆扉相尋春半時捫蘿盤磴險疊石渡溪危松夾
莓苔逕花藏薜荔籬卧雲情自逸名姓厭人知

題鄭山人郊居

前人

谷口今逢避世才入門蕭灑絕塵埃漁舟下釣乘風去藥
醞留賓待月開數片石從青嶂得一條泉自白雲來竹軒
相對無閑語盡日一作肆目南山不欲迴

隱士

四百四十五

文苑三百三十二

五

亮

招隱士逍遙公韋夔

周明帝

六爻貞遁世三辰光少微頻陽讓逾遠一作穎陽
去猶遠滄州去

一作不歸坐石窺仙洞乘槎下釣磯嶺松千仞直巖泉百

丈飛香動秋蘭佩風飄蓮葉衣聊登平樂觀遙想首陽薇

詎儻一作能同四皓來參余萬機

作皆藝文類聚

奉和趙王隱士

王褒

鳧鵠均長短鵬鷄共逍遙清襟蘊秀氣虛席滿風颺斷絃
唯續葛獨酌只傾瓢菖蒲九重節桑薪七過燒

同前

庾信

洛陽留五隱東都別二賢雲氣浮函谷星光集穎川霸陵

採樵路一作徑成都賣卜錢鹿裘披稍裂藜床坐欲穿阮籍

推類聚一作唯長嘯嵇康訝一絃澗險無平石山深足細泉低松

猶百尺一作丈少鶴已千年野鳥繁絃轉山花焰火燃雖無

亭長識終見野人船

奉報窮秋寄隱士

前人

王倪逢齧缺桀溺遇長沮
藜床負日卧麥隴帶經鋤自然
曲木几無名科斗書聚花聊飼雀穿池試養魚小徑類聚
治澁路低田補壞渠秋水牽沙落寒藤抱樹踈空在平原
騎來過仲蔚廬

留贈山中隱士

周弘讓

行行訪名嶽處處必留連
遂至一巖裏灌木上參天忽見
茅茨舍暖暖類聚有人煙
一士開門出一士呼我前相
看不道姓誰類聚知隱與仙

策杖尋隱士

王績

策杖尋隱士行行路漸賒
石梁橫澗斷土室映山斜
孝然疑集作有舍威輦遂無家
置酒燒枯葉披書坐落花
新垂

四百五十一

文苑三百三十二

六

刘亮

滋水釣舊結茂陵置歲歲長如此方知輕世華

春日與裴迪過新昌里訪臣逸人不遇

王維

桃源一向絕風塵柳市南頭訪隱淪
到門不敢題凡鳥看竹何須問主人
城外青山如屋裏東家流水入西隣
閉戶看集作書多歲月種松皆老作龍鱗
集作皆作老龍鱗

尋白鶴巖張子膺隱處士

集作張子容顏處士

孟浩然

白鶴青巖半幽人有舊集作居階庭空水石林壑罷樵漁
歲月青松老風霜苦竹餘集作觀茲懷舊業杖集作策返
吾廬

望終南山寄紫閣隱者

李白

出門見南山引領意無限
秀色難為名蒼翠日在眼有時
白雲起天際自舒卷一作心中與之然託興每不淺
何當造幽人滅跡栖絕巘

尋龍井楊老

劉長卿

柴門草舍絕風塵空谷耕田學子真
泉咽豈勞經隴地集作
山深不覺有秦人手栽松樹蒼蒼老
身卧桃源寂寂春唯
有胡麻當鷄黍白雲來往未嫌貧

山行尋

一作尋

隱者不遇

丘為

絕頂一茅茨直上三十里
叩關無僮僕窺室唯案机一作若
非巾柴車應是釣秋水
差池不相見僂俛空仰止
草色新雨中松聲晚窻裏
及茲契幽絕自足盪心耳
雖無賓主意頗得清淨理
興盡方下山何必覓夫子
一作待夫子
一作皆文粹

送温逸人

垂白

集作隱

避松集作皆松

錢起

垂白無名老何年此陸沉
丘園應得性婚嫁不縈心
歲計因山薄霞栖在谷深
設置連草色暴藥避松陰
觸興雲生岫隨耕鳥下林
搢頤笑來客頭上有朝簪

五車八

文苑二百三十二

七

劉信

送韋逸人歸鍾山

郎士元

逸人歸路遠弟子出山迎
服藥顏猶駐耽書癖已成
柴扉多歲月藜杖見公卿
更作儒林傳應須載姓名

五老峯大明觀贈隱者

姚係

見文粹

雲觀此山北與君携手稀
林端涉橫水洞口入斜暉
乍覺鸞鶴邇忽為煙霧飛
故人清和客默會琴心微
丹術幸可授青龍當未歸
悠悠平生意此日復相違

隱士

孟郊

本末一相返漂浮不還真
山野多餒士市井無飢人
虎豹忌當道糜鹿知藏身
柰何貪競者日與患害親
顏貌歲歲改利心朝朝新
孰知富生者一作禍取富不取貧
寶玉忌出璞出璞先為塵
松栢忌出山出山先為薪
君子隱石壁道書為我隣
寢興思其義一作載淡泊味始珍
陶公自放歸尚

平去一作正有依草木擇地生禽鳥順性飛青青與冥冥所保各不違

和盧常侍寄華山鄭隱者 張籍

獨憶集作坐三峯下年深學鍊丹一間松葉屋數片蘚集作石

花冠酒待山中飲琴將洞內集作又作口彈開門移遠竹剪草

出幽蘭荒壁通泉架晴崖曬藥壇寧知騎省客長向白雲看

寄紫閣隱者 前人

紫閣氣沉沉先生住處深有人時得見無路可相尋野集作夜

鹿伴茅屋秋猿一作園守栗林唯應採靈藥更不別經心集作

營心又作相侵

贈隱者 前人

先生已得道市井亦容身救病自行藥得錢多與人問年

常長一作不定傳法又非真每常一作見隣家一作公說時聞一作時

四十三 文苑二百三十二 八 劉信

使鬼神

此詩二百二十九卷重出今已削去注異同為一作

贈新辟穀者 前人

學得滄霞法逢人與小還身輕堪集作曾試鶴力弱未登集作

山無食犬猶常一作在不耕牛自閑朝朝唯盥漱集作空叩

齒草堂間

寄邢逸人 鄭常

羨君無外事日與世情違地僻人稀一作難到溪深鳥自飛

儒衣荷葉老野飯藥苗肥疇昔江湖意如今憶共歸

贈隱者已見二百二十八卷 于鵠

懷西峯隱者 周賀

萬木藏峯色天寒望即愁高原何日去遠瀑入城流臘近

音溪一作書絕燈殘雪霰一作夜雪稠還當相憶處枕上苦吟休

送孫逸人

賈島

衣履集作猶同俗妻兒亦宛然不食能累月無病已多年
是藥皆諳性令人漸信仙杖頭書數卷荷入翠微煙

懷紫閣隱者

前人

寂寥思隱者孤竹集作坐秋霖梨栗猿喜熟雲山僧說深
寄書應不到結伴擬同尋廢寢方終夕迢迢一作沉沉紫閣心

題隱者居

前人

雖有柴門長不關片雲孤木伴身閑猶嫌住久人知處見
擬移家更上山

題孫逸人山居

杜牧

長懸青紫與芳枝塵刹一作無因免別離馬上多於在家
日罇前堪憶少年時關河客夢還鄉遠雨雪山程出店遲
却羨高人終此老軒車過盡不知誰

三九十七

文苑三百三十二

九

刘信

送隱者

前人

無媒逕路草蕭蕭自古雲林遠市朝公道世間唯白髮貴
人頭上不曾饒

寄題商洛王隱士居

許渾

近逢商洛客知爾住南塘草閣平春水柴門掩夕陽尋蜂
收野蜜隨麝拾集作生香更憶前年別集作松花蒲石床

題終南山隱者居

姚鵠

開門絕壑旁躡躡過花梁路入峯巒影風來芝木集作香
夜吟明雪牖春夢閉雲房盡室更何有一琴兼一觴

寄終南山隱者

薛能

海日東南出應開嶺上扉掃壇花入簞科竹露霑衣飯後
嫌身重茶中見鳥歸相思愛名者難說與親違

贈隱者

前人

自得高閑性平生向此棲月潭雲影短集作斷山葉雨聲齊
庭樹人書匝欄花鳥坐低相留永不望集作忘經宿話丹梯

嵩陽隱者

李頻

當門看少室倚杖復披衣每日醒還醉無人足與非架書
抽讀亂庭果摘嘗稀獨有江山客思家未得歸

贈隱者

溫庭筠

茅堂對薇蕨爐煖一裘輕醉後楚山夢覺來春鳥聲採茶
溪樹綠煮藥石泉清不問人間事忘機過此生

贈華山集作陰隱者

方干

少微夜夜當仙掌更有何人在此居花月舊交看浴鶴松
蘿本主集作自伴刪書素琴醉後集作去經宵枕衰髮寒來向
日梳故國多年歸未遂因逢此地憶吾廬

送隱者歸羅浮

李羣玉

春山杳杳日遲遲露入雲峯白犬隨兩卷囊一作素書留貫
酒一柯樵斧坐看碁蓬萊道士飛霞札清遠仙人寄好詩
自此塵寰音信斷山川風月永相思

題嵩高隱者居

鄭谷

豈易訪仙蹤雲蘿千萬重他年來卜隱此境願相容亂水
林前集作中路深山望集作雪裏鍾見君琴酒樂回首興何慵

送張逸人

前人

人間踈散更無人浪兀孤舟酒兀身蘆笋鱸魚拋不得五
陵珍重五湖春

避世翁

陳陶

海上一蓑笠終年垂釣絲滄洲有深意冠蓋何由知直鉤
不營魚蝸室無妻兒渴飲寒泉水飢食紫靈一作木芝鶴髮
披兩肩高懷如澄陂嘗聞仙老言云是古鳴夷石竇闕雷

雨金潭養蛟螭乘槎上玉津騎鹿遊峨嵋以人為語默與
世為雄雌茲焉乃磻溪豹變應須時自古隱淪客無非王
者師

題袁溪張逸人所居

羅隱

蒲梢獵獵鷺差池數里溪光日落時芳草集作樹文君機上
錦遠山孫壽鏡中眉鷄窻夜靜開書卷魚檻春深展釣絲
若使浮名拘絆得世間何處有男兒

寄南城韋逸人

前人

杜甫詩中韋曲花至今無賴尚家家美人曉折露沾袖公
子醉歸香蒲車萬里丹青傳不得二年風雨恨無涯羨他
南澗高眠客春去春來任物華

寄喬逸人

前人

南經湘水集作浦北揚州別後風帆幾度遊春酒誰家禁爛

三百五

十一

亮

漫野花何處最淹留欲憑尺素邊鴻懶未定雕梁海鷺愁
長短此行須入手更饒君占一年休集作秋

羅浮山下書逸人壁

曹松

海上亭臺山下煙買時幽邃不爭錢莫言白日催華髮自
有丹砂駐少年漁釣未歸深竹裏琴壺猶戀落花邊可中
更踐無人境知是羅浮第幾天

文苑英華卷第二百三十二

登仕郎胡

柯

鄉貢進士彭

叔夏

校正

送朴山人歸日本

儻因華夏使書禮轉悠哉

集作歲周逢舊岸西想始悠哉

寺院一塔附

梁武帝一首

陳後主一首

江惣五首

劉孝先一首

庾信二首

蕭愨一首

孔德紹一首

徐伯陽一首

劉孝孫一首

王勃二首

盧照隣二首

駱賓王一首

沈佺期二首

宋之問九首

張說四首

蘇頲三首

張九齡二首

蔣渙一作一首

寇埴一首

寇垣一首

孫逖二首

三、四十七

天安寺疏圃堂

梁武帝

原

乘和蕩猶豫此焉聊止息連山去無限長洲望不極參差

照光彩左右皆春色曖曖矚遊絲出沒看飛翼其樂信忘

返悠一作然寧有飾

同江僕射遊攝山棲霞寺

陳後主

時宰磻溪心非關狎竹林鷺嶽青松繞雞峯白日沉天迴

浮雲細山空明月深摧殘枯樹影零落古藤陰霜月夜鳥

去風露寒猿吟自可盡出俗詎是願抽簪

遊栖霞寺

新雨集作時雨

江惣

霖霖新雨霽清和孟夏肇栖宿綠野中登頓丹霞杪敬仰

高人德抗志塵物表三空豁已悟萬有一何小始從情所

寄冥期諒不少荷衣步林泉麥氣涼昏曉乘風面泠泠候

月臨皎皎煙崖巖古石雲路排征鳥披逕憐森沉攀條惜

香裊平生志是非朽謝豈矜矯五淨自此生一作六塵庶無擾

攝山栖霞寺山房夜坐簡徐祭酒周尚書共遊

羣彥

前人

澡身事珠戒非是學金丹月磴時橫枕雲崖宿解鞍梵宇調心易禪庭數息難石澗水流靜山窻葉去寒君思北闕駕我惜東都冠翻愁夜鍾盡同志不盤桓

再遊栖霞寺言志

前人

靜心抱冰雪暮齒通一作桑榆太息波川迅悲哉人世拘歲華一作皆採穫冬晚共嚴枯濯流濟八水開襟入四衢茲山靈妙合當與天地俱石瀨乍深淺煙岸一作遮有無缺碑橫古隧盤木卧荒塗行行備履歷步步憐威紆高僧迹共遠勝地心相符樵隱各有得丹青獨不渝遺風佇芳桂比

文苑三百三十三

二

原

德喻生芻寄言長往客悽然傷鄙夫

明慶寺

前人

十五詩書日六十軒冕年名山極歷覽勝地殊留連幽崖聳絕壑初學記洞穴瀉飛泉金河知證果石室乃安禪市朝露草露淮海作桑田夜梵聞三界朝香徹九天山階步皎月澗戶聽涼蟬初學記永一作何言望鍾嶺更復切秦川

入龍丘巖精舍

前人

法堂猶集鴈僊竹幾成龍聊承丹桂馥遠視一作白雲峯風窻穿石竇月牖拂霜松暗谷留征鳥空林徹夜鍾陰峯未辨色疊樹豈知重溘此哀時命吁嗟世不容無由訪詹尹何去復何從

和七名法師秋夜草堂寺禪房月下

劉孝先

幽人住山北月上一作照山東洞戶臨松徑虛窻隱竹叢

出林避炎影步逕一作迴逐涼風平雲斷高岫長河隔淨空
數螢流暗草一鳥宿踈桐興逸煙霄上神閑宇宙中還思
城闕下何異處樊籠

和周趙王遊雲居寺

庾信

重巒千仞塔危磴九層臺石關還一作常逆上山梁乍斗迴
階類聚作下雲峯出窻前風洞開隔嶺鍾聲應類聚作中天梵
響來于時欣侍從於此共徘徊

奉和同太寺浮圖

前人

岩岩凌太一作泰清照殿比東京長影臨雙闕高層出九城
拱積行雲礙幡搖度鳥驚花一作鳳飛如始落一作泊蓮合似
初生輪重對月滿鐸韻擬鸞聲盡水流全住圖雲色半行
沙城天香下桂殿仙梵入伊笙庶同八界樂一作庶聞方

遣六塵情

一作皆藝文類聚

和崔侍中從駕經山寺

蕭愨

鈎陳夜驚徼河漢曉參一作縱橫遊騎騰文一作雲馬前驅轉
翠旌野禽喧曙色山樹動秋聲雲表金輪見巖端畫拱明
塔疑從地涌蓋似積香成泉高下溜急松古上枝一作梢平
儀容初學記作台多壯思麗藻蔚緣情自嗤非照廡何以繼連城

登白馬山護明寺

孔德紹

名嶽標形勝危峯遠鬱紆成象建環極大壯闡規模一作層
臺聳靈鷲一作高南殿邇陽烏暫同遊閭苑還類入仙都三
休開碧嶺一作題萬戶動一作洞金鋪攝心磬前禮訪道挹中
衢一作虛遙瞻盡地軸長望極天隅白雲起梁棟丹霞映拱
櫺露花疑濯錦泉月似沉珠今日桃源客相顧失歸塗

遊鍾山開善寺

徐伯陽

聊追鄴城友躡步出蘭宮法侶殊人世天花異俗中鳥聲不測處松吟未覺風此時超愛網還復洗塵蒙

遊靈山寺

劉孝孫

吾王遊勝地驟駕歷祇園臨風畫角憤曠日采旗翻永懷筌了義寂念啓玄門深溪窮地脉高嶂接雲根信美諧心賞幽桂一作邃且攀援曳裾欣扈從方悟屏塵諠

遊梵宇三學寺

王勃

杏閣披青磴瑤臺控紫岑葉齊山路逕一作逕密花積野壇深蘿幌栖禪影松門聽一作引梵音遽忻陪妙躅延賞一作想滌煩襟

觀佛跡寺

前人

蓮座神容儼一作促松崖聖趾餘年長金跡淺地久石芝一作文踈頽華臨曲磴傾影赴前除共嗟一作悲陵谷遠俄視化城

文苑書事卷十三

四

原

一作虛成

石鏡寺

盧照隣

古墓芙蓉塔神銘松栢煙鸞沉僊集作山鏡底花沒梵輪前銖衣千古佛寶月兩重圓隱隱香臺夜鍾聲徹九天

赤谷安禪師塔

前人

獨坐巖之曲悠然無俗紛酌酒呈丹桂思詩贈白雲煙霞朝晚一作暝聚猿鳥歲集作四時聞水華鏡秋色山翠集作夕曛高談十二部細覈五千文如如數冥昧生生理氣集作氣氤古人有糟粕輪扁情未分且當事芝朮從吾所好云

和王記室從趙王春日遊陁山寺

駱賓王

鳥旗陪訪道鷲嶺洽一作狎棲真四禪明靜業三空廣勝因祥河踈疊澗慧日皎重輪葉暗龍宮密花明鹿苑春彫談筌奧旨妙辯漱玄津雅曲終難和徒自奏巴人

樂城白鶴寺

沈佺期

碧海開龍藏青雲起鴈堂湖一作潮聲應法鼓雨氣濕天香
樹接前山暗溪承瀑水涼無言誦居遠清淨得空王

遊少林寺

前人

長歌遊寶地徙倚對珠林鴈塔丹青古龍池歲月深紺園
澄夕霽碧砌集作殿下秋陰歸路煙霞遠集作晚山蟬集作風處
處吟

遊韶州廣果寺

宋之問

影殿臨丹壑香臺隱翠霞巢飛銜一作含象鳥砌蹋雨空花
寶鐸搖初霽金池映晚沙莫愁歸路遠門外有三車

宿清遠峽山寺

前人

香岫懸金刹飛泉界石門空山唯習靜中夜寂無喧說法
初聞鳥看心欲定猿寥寥隔塵事何異武陵源

四、四十六

文苑三百三十三

五

原

遊法華寺二首

前人

薄遊京都日遙羨稽山名分刺江海郡竭來徯素情松路
洗心眷象筵敷念誠薄雲解一作界青嶂一作嶽日騫朱蕘
苔澗一作潤深不測竹房閑且清感真六象見垂北二鳥一作鳥
鳴古今信靈跡中州莫與京林巘永栖業豈伊在一生浮
悟雖已久事試去來成觀念幸相續庶幾最後明

同前

前人

高岫擬耆闍真乘引妙車空中結樓殿意表出雲霞後果
傳三足一作尺前因感一作取六牙宴林薰寶樹水漏溜集作溜
金沙寒谷梅猶淺温庭橘未華臺香紅藥亂塔影綠篁遮
果漸輪王族綠超梵帝家晨行躡忍草夜誦得靈花江郡
將何匹天都亦未加朝來泛舟一作沿所應是逐僊查

遊雲門寺

前人

維舟深靜域作禮事尊經投跡一蕭散爲心自杳冥龕交
大禹穴樓倚少微星杏嶂圍蘭若迴溪抱竹庭覺花塗砌
白甘露洗山青鴈塔騫金地虹橋轉翠屏人天宵念影神
鬼書潛形理勝常虛寂緣空自感靈入禪從鶴繞說法有
龍聽劫累終期滅塵躬豈暫寧搖搖不安寐待月詠崑局

遊稱心寺

前人

釋事懷三隱清襟謁四禪江鳴潮未落林曉日初懸寶葉
交香雨金沙吐細泉望諧舟客趣思發海人煙顧櫪仍留
馬乘盃久棄船未遊龜負岳且識鳥耘一作耕田理契都無
象心冥不寄筌安期庶可揖天地得齊年

秋晚遊普耀寺

前人

薄暮曲江頭仁祠暫可留山形無隱霽野色遍呈秋荷覆
香泉密藤纏集作緣寶樹幽平生厭塵事遇集作過此忽悠悠

四八十八

文二百三十二

六

題杭州天竺寺

前人

鷲嶺鬱岩巖龍宮隱寂寥樓看一作觀滄海日門聽浙江潮
桂子月中落天香雲外飄捫蘿登塔遠剝木取泉遙霜序
花更發冰溪葉未凋夙齡尚遐異搜對滌煩囂會入天台
裏看余渡石橋

宿雲門寺

颯颯集作颯颯

前人

雲門若邪裏泛鷁路纔通寅綠綠篠岸遂得青蓮宮天香衆
壑滿夜梵前山空漾漾潭際月飄飄杉上風茲焉多嘉遯
數子今莫同鳳歸慨處士鹿化問一作聞僊公樵路鄭州北
學井阿巖東永夜豈云寐曙華忽葱蘢谷鳥囀尚澁源桃
驚未紅再來期春暮當造林端窮庶幾蹤謝客開山投剡中

清遠江峽山寺

張說

流落經荒外逍遙此梵宮雲峯吐日月集作月白石壁淡煙虹集作紅

寶塔靈僊湧懸龕造化功天香涵竹氣虛唄引松風簷牖
飛花滿集作入廊堦集作房廊激水通猿鳴知山靜魚戲見集作辨
江空靜默將何貴所貴心境集作鏡同

襄州景空寺題融上人蘭若

張說

高名出漢陰禪閣跨香岑衆山既集作皆圍遶長澗集作川復
迴臨雲峯曉靈集作空變風木夜虛吟碧甃龍池滿蒼松虎
逕深舊知清巖意集作青巖憶偏入窅冥心何由侶飛錫從此
脫朝簪

澠湖山寺

前人

空山寂歷道心生虛谷迢集作起遙野鳥聲禪室從來塵外
賞香臺豈是世中情雲間東嶺千重出樹裏南湖一片明
若使巢由同一作知此意不將蘿薜易簪纓

遊龍山靜勝寺

前人

四句 文三百三十三

每上襄陽樓遙望龍山樹鬱崑吐岡嶺微芒集作蒙在煙霧
下車歲已成飾馬閑集作問餘步苦霜衰集作衰野草愛日揚
紅集作江煦雲對石上塔風入松下路禪室宴三空仁祠圖
同集作六趣兒童供戲集作共嬉譁猿鳥相驚顧南識恒山集作相公
臺北亂先賢墓世上人何在時聞心不住唯一作但傳無盡
燈可使有情悟

武檐山寺

蘇頌 見集本

武檐獨蒼然墳山下至泉鼈靈時共盡龍女事同遷松栢
銜哀處幡花種福田詎知留鏡石長與法輪圓

慈恩寺二月半寓言

前人

二月韶春半三空霽景初獻來應有受滅盡竟無餘化迹
傳集作歸誠謁梵居一作間殿堂花覆席觀閣柳垂疏共命
伎聞鳥長生水上魚問津窺彼岸集作法鏡迷路得真車行密

幽關靜談精俗態祛稻麻欣所遇蓬籜愴焉如不駐秦京
陌還題蜀郡輿愛離方自此迴望獨躊躇

利州北佛龕前此字無重於去歲題處作 前人

重巖戴清美分塔題增集作起曾標蜀守經塗處巴人作禮朝地
疑三界出空是六塵銷卧石鋪蒼蘚行江覆綠條歲年書
有記非為學題橋

祠紫蓋山塗經玉泉諸山寺 張九齡

指塗躋楚望策馬傍荆岑稍稍松篁入泠泠澗谷深觀音
逐幽映歷幽集作險一作覽忘嶇嶇一作嶇上界投佛影中天揚梵
音焚香懺在昔禮足誓來今靈異有時集作若有對聖德真集
可尋高僧聞逝者絕集作遠俗是初心蘚駁集作剝經行處猿
啼宴坐林歸真已寂滅留跡豈堙沉法施自茲廣何云千
萬金

四七十五 文三百三十三

冬中至玉泉山寺屬窮陰冰閉崖谷無色集作景

及仲春行縣復往焉故有此作 前人

靈境信幽絕芳時重暄妍再來及茲勝一遇非無緣萬木
柔可結千花敷欲然松間鳴好鳥竹集作林下流清泉石壁
開精舍金光照法筵真空本自寂假有聊相宣復此灰心
者仍追巢頂禪簡書雖有畏身世亦俱捐

登栖靈 蔣煥一作渙

三休尋磴道九折步雲霓瀍澗臨江北郊原極海西沙平
瓜步出樹遠綠楊低南指晴天外青峯是會稽

題瑩上人院 寇埴

捨筏求香偈因泉演妙音是明捐俗網何獨一作必在山林
繚繞藤軒密逶迤竹徑深為傳同學志茲字可清心

同皇甫兵曹天宮寺浴室新成招友人

賞會

寇垣

溫室歡初就蘭交託勝因共聽無漏法兼濯有為塵水繫
三空性香霑四大身清心多善友頌德慰同人

奉和崔司馬遊雲門寺

孫逖

繫馬青溪掛禪門春氣濃香臺花下出講坐竹間逢覺路
山童引經行谷鳥從更言窮寂滅迴策上南峯

和崔司馬登稱心山寺

前人

郡府乘休日王城訪道初覺花迎步履香草藉行車倚閣
觀無際尋山盡太虛巖空迷禹跡海靜望秦餘翡翠巢珠
網鷓鴣間綺疎地靈資淨土水若護真如寶樹誰攀折禪
雲自卷舒晴分五湖勢煙合九夷集作疑居生滅紛無象窺
臨已得魚常集作嘗聞寶刀贈今日奉瓊琚

三卅六

九

文苑英華卷第二百三十三

登仕郎胡

柯

鄉貢進士彭

叔夏

校正

寺院二塔附

王維十首

孟浩然八首

杜甫八首

李白三首

祖詠一首

丁儂芝一首

高適二首

蔡希寂一首

綦毋潛七首

宋昱一首

常建一首

王昌齡四首

陶翰一首

劉昫一首

遊化感寺

王維

翡翠香煙合琉璃寶地平龍宮連棟宇虎穴傍簷楹谷靜

唯松響山深無鳥聲瓊峯當戶坵金澗透林明郢路雲端

迴秦川雨外晴鴈集作鳳王銜果獻鹿女蹈集作踏花行斗擲

辭貧里歸依宿化城繞籬生野蕨空館發山櫻香飯青菰

一作米嘉蔬綠筍莖集作紫芋羹誓陪清梵末端坐學無生

過化感寺曇興上人山院

前人

暮持筇竹杖相待虎溪頭催客聞山響歸房逐水流野花

蕪發好谷鳥一聲幽夜坐空林寂松風直似秋

過福禪師蘭若

前人

巖壑帶松集作轉微逕雲林隱法堂羽人飛奏樂天仙一作

女跪焚香竹外峯偏曙藤陰水更涼欲知禪坐久行路長

春芳

春日上方即事

前人

好讀高僧傳時看辟穀方鳩形將刻杖龜殼用支牀柳色

春山映梨花集作花明夕鳥藏北窻桃李下閑坐但焚香

遊悟真寺

前人又玄集作王縉

聞道黃金地仍依集作白玉田擲山移巨石呪嶺出飛泉

猛虎同三逕愁猿學四禪買香燃綠桂乞火蹋紅蓮草色

搖霞上松聲泛月邊山河窮百二世界滿三千梵宇聊平

覽集作王城遂眇然霸陵纔出樹渭水欲連天遠縣分朱

郭孤城集作起白煙望雲思聖主披霧憶羣賢薄官慙尸

素終身擬尚立誰言草庵客曾和栢梁篇

登辯覺寺

前人

竹逕連集作初地蓮峯出化城窻中三楚靜集作林外集作

九江平嫩集作草承趺坐長松響梵聲空居法雲外觀世

得無生

資聖寺送甘二

前人

浮生信如寄薄官夫何有來徃本無歸別離方正集作受

柳色藹春餘槐陰清夏首不學御溝上銜悲執盃酒

四百六十一

文二百三十四

宗二

別弟縉後登青龍寺望藍田山 前人

陌上新別離蒼茫四郊晦登高不見君故山復雲外遠樹

蔽行人長天隱秋塞心悲官遊子何處飛征蓋

藍田山石門精舍二首 前人

落日山水好漾舟信歸風翫寄集作不覺遠因以緣源窮

遙愛雲木秀初言集作路不同誰集作知清流轉偶與前

山通

集本二詩共為一首

捨舟理輕策果然愜所適老僧四五人逍遙蔭松栢朝梵

林未曙夜禪心集作更寂道心及牧童世事聞樵客暝宿

長林下焚香卧瑶席澗芳襲人衣山月映石壁再尋畏迷

誤明發更登歷笑謝桃源人花紅復來覲

陪張丞相禮集作

紫蓋山途經玉泉諸寺

孟浩然

望秩宣王命齋心待漏行青襟列冑子從事有參卿五馬

尋歸路雙林指化城聞鍾鹿門近照膽玉泉清阜蓋依林

集作憩繼徒擁錫迎天堂集作上堯率沙界豁迷明欲就

終焉志雖謀計未成集作先聞人隨逝水一作沒山逐

一作覆船舟一作傾想像若在眼周流空復情集本添謝公

還欲卧誰與濟蒼集作生

臘月八日於郊縣石城寺禮拜 前人

石壁開金像香山繞集作鐵園下生彌勒見迴向一心歸

松竹集作禪庭古樓臺世界稀夕嵐增氣色餘照發光輝

講席邀談柄泉堂施浴衣願承功德水從此濯塵機

題容山主三字集蘭若 前人

精舍買金地集作流泉繞砌迴艾荷薰講席松栢繞集作

香臺法雨晴飛集作去天花晝下來一乘談未了集作談玄

歸騎夕陽催 四八生 文苑三百三十四 言一三

宿萊集作師山房期丁大集作不至 前人

夕陽度西嶺羣壑倏已暝松月生涼意一作風泉滿清聽

樵人歸欲盡磴一作鳥栖初定之子期未來孤宿集作候

蘿徑

同王九題就師山房 前人

晚憩支公寺故人逢右軍軒窗避炎暑翰墨動新文竹閉

窻裏日集作竹雨隨塔下雲周遊集作青陰遍吟卧夕

陽暉江靜榜集作歌歇溪深樵語聞歸塗未忍去携手戀

清芬

陪姚使君題惠上人房 前人

帶雪梅初暖含煙柳尚青來窺童子偈得聽法王經會理

知無我觀空厭有形迷心應覺悟客思不集作遑寧

雲門寺西六七里聞符公蘭若最幽與薛八

同造

前人

謂余獨迷一作方逢子亦在野結交指松栢問法尋蘭若

小溪劣容舟恠石屢驚馬所居最幽絕所往一作皆靜者

密篠夾路傍清泉流舍下集作雲簇與坐上人亦何問集作

塵念都集作俱已捨四禪合真如一切是虛假願承甘露

潤喜得惠風灑依止此集作依山門誰願教集作誰丘也

疾愈過龍泉寺精舍呈易業二公 前人

亭午聞山鍾起行散集作愁疾尋林採芝去轉谷集作松

翠密傍見精舍開長廊飯僧畢石梁集作流雪水金鳥集

採子又蜂蜜日暝辭遠公虎溪相送出

山寺

杜甫

五言

文二百三十四

宗四

野寺殘僧少山園細路高麝香眠石竹鶯鷓啄金桃亂石

通人過懸崖置屋牢上方重閣晚百里見纖毫

奉和裴十四迪新津山寺寄王侍郎即王 前人

何限倚山木吟詩秋葉黃蟬聲集古寺鳥影度寒塘風物

悲遊子登臨憶侍郎老夫探賞集作日隨意宿僧房

題忠州龍興寺所居院壁 前人

忠州三峽內并邑聚雲根小市常爭道集作孤城早閉門

空看過客淚莫覓主人恩淹泊仍愁虎深居賴獨園

宿贊公房東京大雲寺 前人

杖錫何來久集作秋風已颯然雨荒深院菊霜倒半池蓮

放逐寧虧集作性虛空不離禪相逢成夜宿隴月向人圓

上堯率寺

前人

堯率知名寺真如會法堂江山有巴蜀棟宇自齊梁庾信

哀雖久何顯好不忘白牛車遠近且欲上慈航

秦州雜詩

前人

秦州城北寺勝跡隗囂宮苔蘚山門古丹青野殿空月明
垂葉露雲逐度溪風清渭無情極愁時獨向東

法鏡寺

前人

身危適他州勉彊終勞苦神傷山行深愁破崖寺古嬋娟
碧蘚集作淨蕭槭寒籜聚回回石根水冉冉松上雨洩雲
蒙清晨初日翳復吐朱甍半光炯戶牖聚可數拄策忘前
期出蘿已亭午冥冥子規叫微逕不敢集作復取

同諸公登慈恩寺塔

前人

高標跨蒼天一作烈風無時休自非曠士懷登茲翻百憂
方知象教力立集作可追冥搜仰穿龍蛇窟始驚集作出枝
撐幽七星在北戶河漢聲西流羲和鞭白日少昊行清秋

四七三

文苑二百三十四

五

振

秦山忽破碎涇渭不可求俯視但一氣焉能辨皇州迴首
叫虞舜蒼梧雲正愁惜哉瑤池宴集作日晏崑崙立黃鵠
去不息哀鳴何所投君看隨陽鴈各有稻梁謀

秋夜宿龍門香山寺奉寄王方城十七丈國瑩

上人從弟幼成令問

李白

朝發汝海東暮棲龍門中水寒夕波急木落秋山空望極
九霄迴賞幽萬壑通目皓沙上月心清松下風玉斗生網
戶銀河耿花宮興在趣方逸歡餘情未終鳳駕憶王子虎
溪懷遠公桂枝坐蕭瑟棹華不復同流恨寄伊水盈盈焉
可窮

流夜郎永華寺寄潯陽羣官

前人

朝別凌煙樓賢豪滿行舟暝投永華寺宿散子獨醉願借
九江流添成萬一作行淚寫意寄廬嶽何當來此地天命

有所懸安得苦愁思

廬山東林寺夜懷

前人

我尋青蓮宇獨往謝城闕
霜清東林鍾水白虎溪月天香
生虛空天樂鳴不歇
宴坐寂不動大千入毫髮
湛然冥真心曠劫斷出沒

題遠公經臺

祖詠

蘭若無人到真僧出復稀
苔侵行道席雲濕坐禪衣
澗一作鼠緣香按山蟬噪竹扉
世間長不見寧止暫忘歸

和薦福寺英公新構禪堂

丁儂芝

上人久棄世中道自忘筌
寂照出羣有了心清衆緣所成
於此地築館開青蓮果藥羅砌下
煙虹垂戶前呪中灑甘露指處流
香泉神遠日無事體清宵不眠
枳開廬山法松入漢陽禪一枕
四山外虛舟常浩然

文苑三百三十五

六

寶

宿開善寺贈陳十六

高適

駕車出人境避暑投僧家
徘徊龍象側如見香林花
讀書不及經飲酒還勝茶
知君悟此理所未披袈裟
談空忘外物持誠破諸邪
則是無心地相知唯月華

在知相看

登廣陵栖靈寺塔

前人

淮南富登臨茲塔信奇最
直上造雲族憑虛納天籟
迴然碧海西獨立飛鳥外
始知高興盡適與賞心會
連山黯吳門喬木吞楚塞
城池滿窻下物華集作歸
掌內遠思駐江帆暮晴結
春靄軒車疑蠢動造化資
大塊何必了無身然後知
所退

登福先寺上方然公禪室

蔡希寂

名都標佛刹萬構臨河干
舉目上方峻森森青翠攢
步登諸劫盡忽造浮雲端
當暑敞扃闔一作却嫌絺綌
給寒禪

房最高頂靜者殊閑安踈雨向空城數峯簾外盤午鍾振
衣坐招我同一食真味雜飴露衆香唯苴蘭晚來恣偃俛
茶果仍留歡

題鶴林寺

綦毋潛

道門一作樵

一作

隱形勝向背臨層霄

集作行法橋

松覆山殿冷花藏

溪路遙珊珊寶幡挂焰焰明燈燒遲日半空谷春風連上

潮少憑集作適

一作

水木興整忝

集作添又作令

身心調願謝携手客茲

山禪誦饒

題栖霞寺

前人

南山勢回合靈境依此住殿轉雲崖陰僧探石泉渡龍虵
爭翕習神鬼皆密護萬壑奔道場羣峯向雙樹天花飛不
著水月白成路今日觀我身歸心復何處

登天竺寺

前人

郡有化城最西窮疊嶂深松門當澗口石路在峯心幽見
夕陽霽高逢暮雨陰佛身瞻紺髮寶地踐黃金雲向竹溪
盡月從花洞臨因物成真悟遺世在茲集作岑

宿龍興寺

前人

香刹夜忘歸松清古殿扉燈明方丈室珠繫比丘衣白月
傳心淨集作靜青蓮喻法微天花落不盡處處鳥銜飛

題淨林集作招隱寺山頂禪院

前人

招提此山頂下界不相聞塔影挂清漢鍾聲扣集作和白雲
觀空靜室掩行道衆香焚且駐西來集作東駕人天日未曛

題招隱集作緬公房

前人

關士度人夕空山花霧深徒知宴坐處不見有爲心蘭若
門對壑田家路隔林還言澄集作證法性歸去比黃金

過上人蘭若

前人

山頭禪室挂僧衣
窗外無人溪鳥飛
黃昏半在山下路
却聽鍾集作松聲連翠微

題石窟寺即魏孝文之所置

宋昱

梵宇開金地香龕鑿鐵圍
影中羣象動空裏衆靈飛
簾

簷一作牖籠朱旭房廊鍊翠微
瑞蓮生佛步寶樹挂天衣
邀

福功雖在興王代
久非誰知雲朔外
更觀化胡歸

題破山寺後禪院

常建見文粹

清晨入古寺初日耀一作高林竹
逕通幽處禪房花木深

山光悅鳥性潭影空人心
萬籟此都寂但餘鍾磬音

過香積寺

王昌齡

不知香積寺數里入雲峯
古木無人徑空山何處鍾泉聲

咽危石日色冷青松
薄暮空潭曲安禪制毒龍

與蘇盧二員外期遊丈八寺而蘇不至因有

四五

文苑三百二十四

八

振

此作

前人

共仰頭陀行能忘世諦
情迴看雙樹闕相去一牛鳴
法向空林說心隨寶地平
手巾花疊淨香帔稻畦成
問道邀同舍相期宿化城
安知不來徃翻得似無生

洛陽尉劉晏與府縣諸公茶集天宮寺岸道

入房

前人

良友呼我宿明月懸天宮
道安風塵外灑掃青林中
削去府縣理豁然神機空
自從三湘還始得今夕同
舊居太行北遠官滄海東
各有四方事白雲處處通

香積寺禮萬迴平等二聖僧塔

前人

真無御化來借有乘化歸
如彼雙塔內孰能知是非
愚也駭蒼生聖哉爲帝師
當時特世出不由天地資
萬迴主此方平等性無違
今我一禮心億劫同不移
蕭蕭松栢下諸

天來有時

宿天竺寺

陶翰

松栢亂巖石西山微徑通天關一峯見宮闕生虛空正殿
倚霞峰一作壁千樓集作上方標石叢夜來猿鳥靜鍾梵響雲中
峯翠映湖月泉聲亂溪風心超諸境外了與懸解同明發
氣候改起視長崖東湖色濃蕩漾海光漸朦朧葛僊迹尚
在許氏道猶崇獨往古今事幽懷期二公

登廬山峯頂寺

劉昫

孤峯臨萬象秋風氣何清高庭際南郡出林端西明庭一作
躡郡出林山門二緇叟振錫聞幽聲心照有為界業懸前
後生徒雖一作知真機靜尚與愛網并方首金門路未遑參
道情

三

九

廣

文苑英華卷第二百三十四

登仕郎胡 柯 鄉貢進士彭 敷 校正



文苑英華卷第二百三十五

詩八十五

寺院三塔附

劉長卿十首

李頎二首

崔曙一首

張謂二首

岑參五首

包佶一首

李嘉祐四首

皇甫曾三首

皇甫冉三首

張繼一首

韓翃四首

褚朝陽一首

郎士元二首

顧況四首

耿緯三首

司空曙六首

冷朝陽二首

李益二首

李端四首

暢當一首

過隱空和尚故居

劉長卿

三五八

自從飛錫去人到沃州
稀林下期何在山中春
獨歸蹋花尋舊徑
映竹掩空扉
寥落東峯上
猶堪靜者依

以下九篇並見集本

秋夜雨中諸公過靈光寺所居 前人

晤語青蓮合
重關閉夕陰
向人寒燭靜
帶雨夜鍾深
流水從他事
孤雲任此心
不能捐斗粟
終日愧瑤琴

秋夜北山精舍觀體如師梵 前人

焚香奏仙唄
向夕遍空山
清切兼秋遠
威儀對月閑
靜分巖響
旦答散逐海潮還
幸得風吹去
隨人到世間

自道林寺西入石路至麓山寺過法崇禪師故居 前人

山僧候谷口
石路掃_{集作}莓苔
深入泉源去
遙從樹杪迴
香隨青靄散
鍾過白雲來
野雪空齋掩
嵐_{集作}風古殿開

桂寒知自發
松老問誰栽
惆悵湘江上
何人更渡盃

登思禪寺題上方

前人

西峯上方處臺榭隱朦朧集作上方幽且遠磬秋山裏青

清集作猿古木中衆溪連竹路諸嶺共松風儻許棲林下甘

成白首翁

宿北山於禪寺

集有蘭若二字

前人

上方鳴夕磬林下一僧還密行傳人少禪心對虎閑青松

臨古路白月滿寒山舊識窓前桂經霜更待攀

集梁耿開元寺所居院

前人

到君幽卧處為我掃莓苔花雨晴天集作無時落松風終日來

路經深竹過門向遠山開豈得長高枕中朝正用才

將赴嶺外留題蕭寺遠公院寺即梁朝蕭

前人

竹房遙閉上方幽苔蘚集作徑蒼蒼訪昔游內史舊山空日

四百八十

文苑二百三十五

二

暮南朝古木向人秋天香月色同集作空僧室葉落猿啼訪

集作送又作傍客舟此去播遷明主意白雲何事苦集作欲相留

陪元侍御集作郎遊支硎山寺

前人

支公去已久寂寞龍華會古木閉空山蒼然暮相對林巒

非一狀水石有餘態密竹藏晦明羣峰爭向背峰峰帶落

日步步入青靄香氣空翠中猿聲暮雲外留連南臺客想

像西方內因逐溪水還觀心兩無礙

登揚州栖

集作西

靈寺塔

前人

化塔凌虛空雄規壓川澤亭亭楚雲外千里看不隔遙對

黃金臺浮輝亂相射盤梯一作根接元氣半壁棲夜宅集作魄

稍登諸級盡若騁排霜集作霄翻向是滄波人已為青雲客

兩飛千栱霽日在萬家夕鳥處高却低天涯遠如迫江流

入空翠海嶠現微碧向暮期下來誰堪復行役

無名上人東林禪居

李頎

草堂每多暇時謁山僧門所對但羣木終朝無一言我心
愛流水此地臨清源含吐山上日蔽虧松一作外村孤峯
隔身世百衲老寒暄禪戶積朝雪花龕來暮猿顧余守耕
稼十載隱田園蘿籜慰春波巖潭恣討論洩雲豈知限至
道莫探元旦願啓關籥於焉微尚存

宿香山寺石樓

前人

夜宿翠微半高樓聞暗泉漁舟帶遠火山磬發孤煙殿壯
一作拂雲松外門清河漢邊峯巒低枕席世界接人天靄靄
花出霧輝輝星映川東林曙鶯滿惆悵欲言旋

宿大和尚塔贈如上人兼呈常孫二山人 崔曙

支公已寂滅影塔山上古更有真僧來道場救諸苦一乘
微妙法寓宿清淨土身心能自觀色相了無取森森松映
月漠漠雲近戶嶺外飛雪明夜來前山雨燃燈見棲鴿作
禮聞信鼓曉霽南軒開秋華淨天宇願言出世塵謝爾申
及甫

同諸公遊雲公禪寺

張謂

共許尋鷄足誰能惜馬蹄長空淨雲雨斜月半虹蜺簷下
千峯轉窻前萬木低看花尋逕遠聽鳥入林迷地與喧卑
隔人將物我齊不知樵客意何事武陵溪

長沙失火後戲題蓮花寺

前人

金園寶刹半長沙燒劫旁延一萬家樓殿惣隨煙焰盡火
中何處有蓮花

同崔二十侍御灌口夜宿報恩寺

岑參

聞君尋野寺夜一作便宿支公房溪月冷深殿江雲擁迴廊
燃燈松林靜煮茗柴門香勝事不可接相思幽興長

雪後與羣公過報

集作

恩寺

前人

乘輿忽相招僧房暮與朝雪融雙樹濕紗閉一燈燒竹外
山低塔藤間院接隰作橋歸家好欲懶俗慮向來銷

上嘉州青衣山中峯題惠淨上人幽居寄兵部

楊郎中

前人

青衣誰開鑿獨在中央浮舟一躋攀側逕緣穹蒼絕頂
詣高僧豁然登上方諸嶺一何小三江奔茫茫蘭若向西
開峨嵋正相當猿鳥樂幽磬松蘿泛天香江雲入袈裟山
月吐繩床早知清淨理久乃機心忘尚以名官拘聿來夷
獠鄉吾友不可見鬱鬱為尚書郎早歲愛丹經留心向青囊
眇眇雲智遠幽幽海懷長勝賞難與俱引領遙相望為政
愧無術分憂幸時康君子滿天朝老夫憶滄浪況值廬山
遠抽簪歸法王

四八十二

文苑三百三十五

四

思

登嘉州凌雲寺作

前人

寺出飛鳥外青峯戴朱樓搏壁躋半空喜得登上頭始知
宇宙闊下看三江流天晴見峨嵋如向波上浮迴曠煙景
豁陰森機穉稠願割區中緣永從塵外遊迴風旋虎穴飛
雨當龍湫僧房雲濛濛夏月寒颼颼迴合俯近郭寥落見
遠舟勝槩無端倪天宮可淹留一官詎足道欲去令人愁

終南雲際精舍尋法澄上人

前人

昨夜雲際宿適從西風迴不見林中僧微雨潭上來諸峯
皆晴翠秦嶺獨不開石鼓有時鳴秦王安在哉水深斷山
口吼沫相喧逐噴壁四時雨傍村終日雷北瞻長安道日
夕生塵埃若訪張仲蔚衡門映蒿萊

雙山逢信公所居

包佶

遙禮前朝塔微聞後夜鍾人間第四祖雲裏一雙峯積雪

封苔逕多年亞石松傳心不傳法誰可繼高蹤

奉陪韋潤州游鶴林寺

李嘉祐

按文苑英華共有二詩並題作奉陪
韋潤州游鶴林寺今觀李嘉祐集其
一篇乃是潤州楊別駕宅送蔣侍御
收兵歸揚州詩兼已收入第二百七十
一卷送行門中英華誤抄于此姑存
其目

奉陪韋潤州游鶴林寺

前人

野寺江城近雙旌五馬過禪心超忍辱梵語問多羅松竹
閑僧老雲煙晚日多集作和寒塘歸路轉清聲隔微波

同皇甫侍御題薦福寺一公房

前人

虛室獨焚香林空靜磬長閑窺數竿竹老在一繩床啜茗

聖

文苑二百三十五

五

心

翻真偈燃燈繼夕陽人歸遠相送步履出迴廊

題道虔上人竹房

前人

詩思禪心共竹閑任他流水向人間手持如意高窻裏斜
日江邊集作沿江千萬山

奉和陪韋中丞使君游鶴林寺

皇甫曾

古寺傳燈久層城閉閣閑香花同法侶旌旆入深山寒磬虛
空裏孤雲起滅間謝公憶高卧徒望集作仰欲東集作還

贈吳門邕上人院

前人

春山臨集作唯一室獨坐草萋萋身寂心成道花開鳥自啼
細泉松逕裏返景竹林西晚與門人別依依出虎溪

此詩二百十九卷重出今已削去

題普門上人房

前人

支公身已老長在沃洲多慧力堪傳教禪功久伏魔雲山

隨坐夏江草伴頭陀借問迴一作明心者賢愚去幾何

題昭上人房

皇甫冉

沃洲傳教後百衲老空林慮盡朝昏磬禪隨坐卧心鶴飛
湖草迴門閉野雲深願一作地與天台接中峯早晚尋

招隱寺送闔判官還江州

前人

離別那逢秋氣悲東林更作上方期共知客路浮雲外暫
愛僧房墜葉時長江九派人歸少寒嶺千重鴈度遲借問
尋陽在何處每看潮落一相思

酬裴補闕吳寺見尋

前人

東林初結構已有晚鐘聲窻戶背流水房廊半架城遠山
重疊見芳草淺深生每與君携手多煩長老迎

安公房問法

張繼

流年一日復一日世事何時是了時試向東林問禪伯遣

中三十五

文苑三百三十五

六

胡昌

將心地學琉璃

同中書劉舍人題青龍上方

韓翃

西掖歸來後東林靜者期遠峯春雪裏寒竹暮天時笑問
集作金人偈閑聽寶月詩更憐茶興在一作藥興好出下方遲

題薦福寺衡岳暎師房

前人

春城乞食還高論此中閑僧臘階前樹禪心江上山踈簾
看雪卷深戶映花關晚送門人出鍾聲杳靄間又玄集作
題靄間

題僧房

前人

披衣聞客至關鎖此時開鳴磬夕陽盡卷簾秋氣集作
色來
名香連竹逕清梵出花臺身在心無住他方到幾迴

題青龍寺澹然師房

前人

雙林彼上人詩興轉相親竹裏經聲晚門前山色春卷簾
苔點淨下筋藥苗新記取無生理歸來問此身

題少室山

褚朝陽

飛閣青霞裏先秋獨早涼
天花映窻近月掛拂簷香華岳
三峯小黃河一帶長
空間指歸路煙際有垂楊

酬王孝友秋夜宿露臺寺見寄

郎士元

石林精舍虎溪中夜扣禪扉
憶遠公月在上方諸品靜心
持半法一作萬緣空蒼苔古道行應徧
落木寒泉聽不窮
更憶雙峯最高頂此心期與故人同

柏林寺南望

前人

溪上遙聞精舍鐘泊舟微徑度深松
青山霽後雲猶在盡
出西南四五峯

鄱陽大雲寺一公房

顧況

盡日陪游處斜暉竹院清
定中觀有漏言下證無生色界
聊傳法空門不用情
欲知相去近鍾鼓兩聞聲

四十二

文苑二四三十五

七

胡昌

題歙山棲霞寺

前人

明徵君舊宅陳後主題詩跡在人亡
處山空月滿時寶餅
無破響道樹有低枝
已是傷離客仍逢新尚祠

經廢寺

前人

不知何世界有處似南朝
石路無人掃松門被火燒
斷幡猶挂刹故板尚堵橋
數卷殘經在多年字欲銷

獨游青龍寺

前人

春風入香刹暇日獨游衍
曠然蓮花臺作禮月光面乘茲第
八識出彼超二見擺落區中緣
無邊廣弘願長廊朝雨畢
古木時禽轉積翠暖遙原雜集作離英紛似霰
鳳城騰日窟龍首橫
天堰蟻步避危階蠅飛響深殿
大通智勝佛幾劫道場現

題莊上人房

已見二百二十二卷

耿緯

廢慶寶寺

前人

黃葉前朝寺無僧寒一作開殿開池晴龜出暴松暝鶴飛迴
古井碑橫草陰廊畫雜苔禪宮亦銷歇塵世轉堪哀

雨中宿義興寺

前人

遙夜宿東林蟲聲階草深高風初落葉多雨未歸心家國
身猶負星霜鬢已侵滄洲縱不去何處有知音

早春游報集作慈恩寺南池

司空曙

山集作出寺臨池水春愁望遠生踏橋逢鶴起尋竹值泉橫
新柳絲猶短柔集作輕蘋葉未成還如虎溪上日暮伴僧行

送曹二原猗遊山寺

前人

山踏青蕪盡涼秋古寺深何時得蓮葉此夜更聞琴窮水
雲同穴過僧虎共林慙慙如念我遺爾挂冠心

宿青龍寺故曇上人院

前人

年深宮院在舊客自相逢閉戶臨寒竹無人有夜鍾降龍

四五一

文苑二百三十五

八

胡昌

今已去巢鶴竟何從坐見繁星曉淒涼識舊峯

秋喜盧綸同宿寺

已見二百十七卷

前人

題靈雲寺

前人

春山古寺遠滄波石磴盤空鳥道過百丈金身開翠殿萬
龕燈焰隔煙蘿雲生客到侵衣濕花落僧禪覆地多不與
方袍同結足下歸塵世竟如何

題暕上人院

前人

閉門不出自焚香擁褐看山歲月長雨後綠苔生石井秋
來黃葉徧繩床身閑何處無真性年老曾來集作言隱故鄉
更說本師同學在幾時携手向集作見衡陽

同張深秀才遊華嚴寺

冷朝陽

同遊雲外寺渡水入禪關立掃窻前石坐看池上山有僧
飛錫到留客話松間不是緣名利好來長伴閑

宿柏巖寺

前人

幽寺在巖中行唯一徑通客吟孤嶠月蟬噪數枝風秋色
生苔砌泉聲入梵宮吾師修道處不與世間同

入南山至全師蘭若

李益

木落水歸壑寂然無始心南行有真子被褐息山陰石路
瑤草散松門寒景深吾師亦何受自起定中吟

與王楚同登青龍寺上方

前人

連岡出古寺流睇移芳讌鳥沒漢諸陵草平秦故殿搖光
淺深樹拂水參差驚春心斷易迷遠目傷難徧壯日各輕
年暮年方自見

同皇甫侍御題惟一上人房

李端

焚香居一室盡日見空林得道歸集作輕年暮安禪愛夜深
東西皆是夢存沒豈關心唯羨諸童子通集作持經在竹陰

同裴負外宿薦福寺僧舍

前人

潘安秋興動涼夜宿僧房倚杖雲離月垂簾竹有霜暗集作迴
風生遠逕墜集作墮葉颯長廊一與交親會空貽別後傷

宿深上人院集作房聽遠泉

前人

泉聲宜遠聽入夜對支公斷絕來方盡潺湲咽又通何年
出石下幾里在山中君集作若問源窮處禪門集作心與此同

題雲際寺準公房

前人

高僧居處似天台錫杖銅餅對綠苔竹巷雨晴新鳥轉山
房日午老人來園中鹿過板枝動潭底龍游水沫開獨夜
燃香禮遺像空林月沒始應迴

宿報恩寺精舍

暢當

鍾梵送沉景星多露漸光風中蘭靡靡月下樹蒼蒼夜殿
若山橫深松如澗涼羸然虎溪子遲我一虛床杳杳空寂

含濛濛蓮桂香擁褐依西壁紗燈靄中央

文苑英華卷第二百三十五

登仕郎胡

柯

鄉貢進士彭

叔夏

校正

四十一



Very faint, illegible text or bleed-through from the reverse side of the page, visible in the left margin.

文苑英華卷第二百三十六

詩八十六

寺院四塔附

盧綸八首

韋應物七首

嚴維三首

戴叔倫二首

崔峒六首

權德輿二首

戎昱一首

李涉二首

張暈一首

李正封二首

羅炯一首

朱放二首

徐嶷一首

房融一首

劉三復一首

于鵠三首

陳潤一首

朱長文一首

釋靈一八首

釋皎然十首

王建二首

春日陪李庶子遵善寺東院曉望

盧綸

映竹水橫

集作田

分當山起鴈羣陽峯高對寺陰井下通雲

雪盡

畫集作

唯逢鶴花時此

集作

見君由來禪誦地多有謝

公文

宿澄

集作

上人院

前人

竹牕聞遠水月出似溪中香覆經年火幡飄後夜風性昏知道晚學淺喜豈一作言同一悟歸身處何山路不通

同崔峒慈恩寺避暑

前人

寺涼高樹合卧石綠雲中伴鶴慙仙侶依僧學老翁魚沉荷葉露鳥散竹林風始悟塵居者應將火宅同

題雲際寺上方

前人

松高蘿蔓輕中有石床平下界水長急上方燈自明空門不易啓初地本無程迴步忽山盡萬緣從此生

寶泉寺送李益端公歸郊寧幕

前人

參差巖嶂東雲日晃龍宮石淨非因雨松涼不為風戀泉
將鶴並偷果與猿同眼界塵雖染心源蔽一作已通蓮花
國何限貝葉字無窮早晚登麟閣茲門欲付公

登西巖寺

樓集作巖寺

前人

林香雨氣新山寺綠無塵遂結雲外侶集作賞共遊天上春
鶴鳴金閣麗僧話集作語竹房隣待月水流急惜花風起頻
何方非壞境此地有歸人回首空門外皤然一幻身

宿定陵寺

寺在陵內

前人

古塔荒臺出禁牆磬聲初盡漏聲長雲生紫殿幡花濕月
照青山松栢香禪室夜聞風過竹一作燭莫筵朝啓露霑裳
誰悟威靈同寂滅更堪砧杵發昭陽

夜投豐德寺謁海

集作液

上人

前人

半夜中峯有磬聲偶尋樵者問山名上方月晚集作日曉聞僧
話一作下路林疎見客行野鶴巢邊松最老毒龍潛處水
偏清願得遠公知姓字焚香洗鉢過浮生

遊開元精舍

韋應物

夏衣始輕體遠集作遊步愛僧居果園新雨後香臺照日初
綠陰生晝寂孤花表春餘符竹方為累形跡一來疎

寓居永定精舍

前人

政拙忻罷守閑居初理生家貧何由徃夢想在京城野寺
霜露月晨興羈旅情聊租二頃田方課子弟耕眼暗文字
廢身閑道心清集作精即與人羣遠豈為集作謂是非嬰

與盧陟同遊永定寺北池僧舍

集作齋

前人

竹逕集作密竹行已遠子規啼更深綠池芳草氣閑齋春樹陰
暗絲集作晴蝶飄蘭徑游蜂繞花心不遇君携手誰復此幽尋

答河南李士巽題香山寺

前人

洛都游宦日少年携手行投杯起芳席惣轡振華纓關塞
有佳氣巖開伊水清攀林憩佛寺登高望都城蹉跎二十
載世務各所營茲賞長一作常在夢故人安得并前歲守九
江恩召赴咸京因塗再登歷山河屬晴明寂寞僧侶少蒼
茫林木成牆宇或崩剝不見舊題名舊遊沉存沒獨此淚
交橫交橫誰與同書壁貽友生今茲守吳郡綿思方未平
子復經陳跡一感我深情遠家惻愴篇中有金玉聲反覆
終難答金玉尚為輕

藍田集作精舍

前人

石壁精舍高排雲聊直上佳游愜始願忘險得前賞崖傾
景方晦谷轉川如掌綠林含蕭條飛閣起弘敞道人上方
至深夜還獨徃月落羣山陰天秋百泉一作聚響所嗟累已

四八五

文苑二百三十六

三

天祐

成安得長偃仰

澄秀上座院

前人

繚繞西南隅鳥聲轉幽靜秀公今不在獨禮高僧影林下
器未收何人適煮茗

行寬禪師院

前人

北望極長廊斜扉掩叢竹亭午一來尋院幽僧亦獨唯聞
山鳥啼愛此林下宿

奉和獨孤中丞游雲門寺作

嚴維

絕壑開花界耶溪極上源光輝三獨一作石座登陟五雲門
深木鳴騶馭晴山曜武賁亂泉親坐卧踈磬發朝昏蒼翠
新秋色莓苔積雨痕上方看度鳥後夜聽吟猿異跡焚香
對新詩酌茗論歸來還捨俗諸老莫攀轅

奉和皇甫大夫夏日游花嚴寺

時大夫昆季同行

前人

初地花嚴會王家少長行到宮龍節駐禮塔鴈行成蓮界
千峯靜梅天一雨清禪庭未可戀聖主寄蒼生

宿法華寺

前人

一夕雨沉沉哀猿萬木陰天龍來護法長老密看心魚梵
空山靜紗燈古殿深無生久已學白髮浪相侵

遊青溪蘭若兼隱者舊居

戴叔倫

西看疊嶂幾千重秀色孤標此一峯丹竈久閑荒宿草碧
潭深處有潛龍靈仙已去空巖室一作到客唯聞古寺鐘
遠對白雲幽隱在年年一作不離舊杉松

題武當逸禪師蘭若

前人

我生本似遠行客況是亂時多病身經山涉水向何處羞
見竹林禪定人

宿禪智寺上方演大師院

崔峒

石床一作高幾許金刹在中峯白日空山梵清晴一作霜後
夜鍾竹窻迴翠壁苔徑入寒松幸接無生法疑心怯所從

題空山人石室

前人

早晚悟無生頭陀不到城雲山知夏臘猿鳥見修行地僻
無溪路人尋逐水聲年年深谷裏誰識遠公名

登蔣山開善寺

前人

山殿秋雲裏香煙出翠微客尋朝磬食一作僧背夕陽歸
下界千門見前期萬事非看心兼送目葭菼暮依依

題崇福寺禪院

前人

僧家更無事掃地與焚香清磬度山翠閑雲來竹房身心
塵外遠歲月坐中長向晚禪室閉無人空夕陽

題蘭若

前人

絕頂茅菴老此生寒雲孤木獨經行世人那得知幽逕遙

向青峰禮磬聲

秋夜前篇招隱寺東峯茶宴送內弟詩

已見二百十五卷

前人前篇作李嘉祐

與沈十九拾遺同游栖霞寺上方夜於亮上人

院會宿二首

權德輿

躡山標勝絕暇日諧想矚縈紆松路深繚繞雲巖曲重樓

迴樹杪古像鑿山腹人遠水木清池集作地深蘭桂馥層臺

聳金碧絕頂摩淨綠下界誠可悲南朝紛在目焚香入古

殿待月出深竹稍覺天籟清自傷人世促宗雷此相遇偃

放隨集作從所欲清論月輪集作松枝低閑吟茗花熟一生如土

梗萬慮相桎梏永願事潛師窮年此棲宿

二

偶來人境外心賞幸隨君古殿煙霞夕深山松桂薰巖花

四十一

文苑二百三十六

五

天祐

點寒溜石磴掃春雲清淨諸天近諠塵下界分名僧康寶

一作保月上客沈休文共宿東林夜清猿徹曙聞

題招提寺

戎昱

招提精舍好石壁向江開山影水中盡松聲天上來一燈

傳歲月深殿一作院長莓苔日暮雙林磬泠泠送客迴

題鶴林寺上方

李涉

終日昏昏醉夢間忽聞春盡強登山因過竹院一作寺逢僧

話又得浮生半日閑

重過文上人院

前人

南隨越鳥北燕鴻松月三年別遠公無限心中不平事一

宵清話又成空

遊栖霞寺

張暈

躋險入幽林翠微含竹殿泉聲無休歇山色時隱見潮來

雜風雨梅花成霜霰一從方外游頓覺塵心變

夏遊招隱寺暴雨晚晴

李正封

竹栢清風一作風雨過蕭疎臺殿涼石渠瀉奔溜金刹照頽陽

鶴飛巖煙碧鹿鳴澗草香山僧引清梵滢蓋遶回廊

禪門寺暮鍾

前人

龔簾高懸于闐鍾黃昏發地殷龍宮游人憶到嵩山夜壘閣連樓滿太空

行縣至浮查寺

羅炯

三十年前此布衣鹿鳴西上虎符歸行時賓從光前事到處松杉長舊圍野老競遮官道拜沙鷗遙避隼旗飛春風一宿琉璃地自有泉聲愜素機

遊石澗寺

朱放

聞道幽深石澗寺不逢流水亦難知莫道山僧無伴侶獼

猴一作猿長在古松枝

題竹集作鶴林寺

前人

歲月人間促煙霞此地多殷勤竹林寺能集作更得幾迴過

宿列上人房

徐嶷

浮生不定若蓬飄林下真僧偶見招覺後始知身是夢更聞寒雨滴芭蕉

遊始興廣勝寺果上人房

房融

零落嗟殘命蕭條託勝因方燒三界火遽洗六情塵隔嶺天花發凌空月殿新誰令故鄉思一作誰憐從此學分身

寺居清晨

劉三復

高枕對曉月衣巾清且涼露華朝未晞滴瀝含靈疑作光隔竹聞汲井開扉見焚香幽心感衰病結念依法王青冥早雲飛杳眇空鳥翔此情皆有釋悠然知所忘

題栢臺寺

已見二百二十一卷

于鵠

題宇文裔山寺讀書院

前人

讀書林下寺不出動經年書閣通

集作草閣連

僧院山厨共石

泉雪

集作雲

庭無履跡龕壁有燈煙年少今頭白刪詩到幾篇

溫泉僧房

前人

雲裏前朝寺修行獨幾年山村無施食盥漱亦安禪古塔巢溪鳥深房閉谷泉自言僧入室知處梵王天

登西靈塔

陳潤

塔廟出招提登臨碧海西不知人意遠漸覺鳥飛低稍與雲霞近如將日月齊遷喬未得意徒欲躡雲梯

題虎丘山西寺

朱長文一作朱長雲

王氏家山昔在茲陸機為賦陸雲詩青蓮香匝東西宇日月與僧無盡時

四三六

文二百三十六

七

靜林精舍

梁武帝隱所已見一百六十六卷

釋靈一

自大林與韓明府歸郭中精舍作

前人

野客同舟檝相携復一歸孤雲生暮景遠岫帶春暉不道還山是誰云向郭非禪門有通隱喧寂共忘機

孤雲集作孤煙

訓皇甫冉將赴無錫於雲門寺贈別

前人

湖南通古寺來往意無涯欲適雲門路千峰到若耶春山子敬宅古木謝敷家自可長偕隱那言一作堪相去賒

此詩二百四十四卷重出今已削去注異同為一作

再還宜豐寺

前人

再尋招隱地重會宿心期樵客問歸日山僧記別時野雲陰遠甸秋水漲前池勿謂探形勝吾今不好奇

題東蘭若

前人

上人禪室路徘徊萬木清陰向日開寒竹影侵行逕石秋

風煙入誦經臺閑雲不繫從舒卷狎鳥無機任往來更惜
片陽談妙理歸時莫待暝鍾催

將出宜豐寺留題山房

前人

池上蓮荷不自開山中流水偶然來若言聚散定由我未
是回時那得回

題王僧院

前人

虎溪閑月引相過帶雪松枝挂薜蘿無限青山行欲盡白
雲深處老僧多

宿靜林寺

前人

山寺門前多古松谿行欲到已聞鍾中宵引領尋高頂月
照雲峯凡幾重

宿吳匡山破寺

釋皎然

雙峯百戰後真界滿塵埃蔓草綠空壁悲風起故臺野花

四六一 文二百三十六

寒更發山月暝還來何事池中水東流獨不回

高僧詩載皎然詩廢寺云武原遺跡在真界積塵埃殘
月生秋水悲風吹故臺居人今已盡栖鶴暝還來不到
無生理應堪賦七哀與
前詩略同今附于此

寒食日集報德寺解公房

一作寒食日同陸
處士行報德寺宿

前人

欲問章陵寺

一作古寺
章陵下

支

一作
潛

公住幾年亂山春靄裏微

逕古松邊

一作安心生軟
草灌頂引春泉

寂寂傳燈地寥寥禁火天世人

一作
間多暗室白日為誰圓

一作
懸

一作皆歲時雜評

奉和盧使君幼平游朝陽山寺臨太湖

時在郭
不得往

前人

仁祠當絕境明牧躡靈蹤欲到心涼地初聞斷續鍾城中
歸路在湖上碧山重水照千花界雲開七葉峯寒芳艾綬
滿空翠白綸濃逸韻知難繼佳游恨不逢仍聞撫禪石為
我久從容

秋日遙和盧使君游柯山寺宿敷上人上方論

涅槃經大義

前人

江郡當秋景期將道者同跡高連一作竹寺夜靜賞蓮宮
古磬清霜下寒山曉月中詩情緣境發法性寄筌空翻譯
推南本何人繼謝公

遙和塵外上人與陸澧夜集山寺問涅槃義兼

賞陸生文卷

北山人自號

前人

共是竹林賢

孫綽僧史以七人配德嵇阮號竹林七賢

心從貝葉傳說經看月

過一作

開卷愛珠連清淨遙城外蕭疎一作

古塔前應隨

北山子高頂枕雲眠

題報德寺清幽上人西峯寺即陳文帝故鄉 前人

陳世凋亡後仁祠識舊山帝鄉喬木在空見白雲還雙塔

寒林外三陵暮雨間此中雖戰勝君獨啓禪關

奉同顏使君真卿開元寺經藏院觀樹文殊碑 前人

四六三

文二百三十六

九

萬國布殊私千年降祖師鴈門傳法至龍藏立言時故實

刊周典新聲播魯詩六銖那更拂劫石盡無期

奉同盧使君幼平游精舍寺

前人

影刹西方在虛空翠色分人天霽後見猿鳥定中聞真界

隱清壁春山凌白雲今朝石門會千古仰斯文

奉陪陸使君長源裴端公樞春遊虎丘寺

前人

雲水夾雙刹遙疑涌平陂入門見藏山元化何由窺曳組

探詭恠停驂訪幽竒情高氣為爽德暖春亦隨瑤草自的

皦蕙樓爭蔽虧金精發壞陵劍彩沉靈池一覽匝天界中

峯步未移應喜生公石列坐援松枝

秋晚宿破城山一作寺

前人

秋風落葉滿空山古殿殘燈石壁間昔日經行人去盡寒

雲夜夜自飛還

題石甕寺

王建

青崖古寺集作夾城東泉脉鍾聲內裏通地壓神龍集作
山色別屋連宮殿匠名同簷燈經夏紗籠黑溪葉先秋臘
樹紅天子親題詩惣在書扉長鎖壁龕中

題台州隱靜寺

前人

隱靜靈仙山一作寺天鑿盃度飛來建巖壑五峯直上插銀
河一澗當空瀉寒廓崆峒黯淡碧琉璃一作瑤殿白雲吞吐
江蓮閣不知勢壓天幾重鍾聲常聞一作月中落

文苑英華卷第二百三十六

登仕郎胡


柯

鄉貢進士彭

叔夏

校正

二十七



Vertical text on the left margin, including the characters '寺別五' and '文苑英華卷第二百三十六'.

文苑英華卷第二百三十七

詩八十七

寺院五 塔附

楊巨源六首

楊衡四首

韓愈一首

陳羽一首

劉禹錫三首

白居易六首

李紳一首

劉商三首

姚合四首

賈島八首

釋無可六首

周賀四首

劉得仁九首

和鄭少師相公題慈恩寺禪院

楊巨源

舊寺長桐孫朝天是聖恩謝公詩更老蕭傳道方尊白法
知深得蒼生要重論若為將此望心地向空門

同趙校書題普救寺

前人

三十九

景年

東門高颯天一望幾悠然白浪過城下青山滿寺前塵光
分驛道嵐色到人煙氣象須文字逢君大雅篇

春日與劉評事過故證

證一作

上人院

前人

曾共劉諮議同時事道林與君方掩淚來客是知心塔雪
凌春積鍾煙向夕深依然舊童子相送出花陰

春雪題興善寺廣宣上人竹院

前人

皎潔青蓮客焚香對雪朝竹風催浙瀝花雨讓飄飄觸
石和雲積縈池拂水消只應將日月顏色不相饒

和鄭少師尋興善寺廣宣上人

前人

放心蓮境去又值竹房空幾韻飄寒玉餘清不在風

夏日苦熱同長孫主簿過仁壽寺納涼

前人

火入天地鑪南方正何劇四郊長雲紅六合太陽赤赫赫
沸泉壑燄燄焦砂石思減祝融權期匡諸子宅因投竹林

寺一問青蓮客心空得清涼理證等喧寂開襟天籟迴步
履雨花積微風動珠簾惠氣入瑤席境閑性方謐塵遠趣
皆適淹駕殊未還朱欄敞虛碧

遊峽山寺

楊衡

結構天南畔勝絕固難儔幸蒙時所漏遂得恣閑遊路石
蔭松蓋檻藤維鶴舟雨霽花木潤風和景氣柔寶殿敞丹
扉靈幡垂絳旒照曜芙蓉壺金人居上頭翔禽拂危刹落
日避層樓端溪瀾漫駛曲澗潺湲流高居何重沓登覽自
夷猶煙霞無隱態巖洞詎遺幽奔駟非久耀馳波肯暫留
會從香火緣滅跡此山丘

宿陟岵寺雲律師院

前人

像宇鬱參差寶林踈復密中有彌天子燃燈坐虛室心澄
紅蓮喻跡羈青眼律玉鑪揚翠煙金經開縹帙肆陳堅固
學破我夢幻質碧水灑塵纓涼風當夏日宿禽詎相保迸
火煙欲失願迴戚促勞趨隅事休逸

題山寺

前人

千峯白露後雲壁挂殘燈曙色海邊日經聲松下僧意閑
門不閉年去水空澄稽首如何問森蘿盡一乘

宿吉祥寺寄廬山隱者

前人

風鳴雲外鍾鶴宿千年松相思杳不見月出山重重

一作孤月
出山重

題臨瀧寺

韓愈

不覺離家已五千仍將衰病入瀧船潮州集作陽未到吾能

集作
人先

說海氣昏昏水拍天

題清鏡寺留別

陳羽

路入千山愁自知雪花撩亂壓松枝世間人一作人並道別離
苦誰信山僧輕別離

宿誠禪師山房題贈二首

劉禹錫

宴坐白雲端清江直下看來人望金刹講席繞香壇虎嘯
夜林動鼉鳴秋澗寒衆音從徒集作起滅心在淨集作定中觀

二

不出孤峯上人間四十秋視身如傳舍閱世甚東流法為
因緣立心從次第修中宵問真偈有住是吾憂

和河南裴尹侍郎宿齋太平寺詣九龍祠祈雨

二十韻

前人

有事九龍廟絜齋梵王祠玉簫何時絕碧樹空涼颼吏散
埃壒息月高庭宇宜重城肅穆閉澗水潺湲時人稀夜復
閑慮靜境亦隨緬懷斷鼇足凝想乘鸞姿朱明盛農節膏
澤方憊期瞻言五靈瑞能救百穀萎咿喔晨鷄鳴闌干斗
杓一作柄垂修容謁神像注意陳正辭驚飈起泓泉若召雷

四十七

文苑三百三十七

三

雨師黑煙聳鱗甲灑液如焚絲豐隆震天衢列缺揮火旗
炎空忽淒緊高雷懸縵縻生物已滂霈濕雲稍離披丹霞
啓南陸白水含東菑熙熙飛走適藹藹草樹滋浮光動宮
觀遠思盈川坻吳公敏於政謝守工為詩商山有病客一作者
言賀舒厖眉

題東虎武一作丘寺六韻

白居易

香刹看非遠祇園入始深龍蟠松矯矯玉立竹森森恠石
千僧坐靈池一劍沉海當亭兩面山在寺中心酒熟憑花
勸詩成倩鳥吟寄言軒冕客此地好抽簪

送王十八歸山寄題仙遊寺

前人

曾於太白峯前住數到仙遊寺裏來黑水澄時潭底出白
雲破處洞門開林間暖酒燒紅葉石上題詩掃綠苔惆悵
舊遊那集作無復到菊花時節羨一作待君迴

夜遊西武丘寺八韻

前人

不厭西丘寺閑來即一過舟船轉雲島樓閣出煙蘿路入
青松影門臨白月波魚跳驚秉燭猿覩恠鳴珂搖曳雙紅
旆娉婷十翠娥香花助羅綺鍾梵避笙歌領郡時將久遊
山數幾何一年十二度非少亦非多

孤山寺遇雨

前人

拂波雲色重灑葉雨聲繁水鳥集作雙飛起風荷一向翻
空濛連北岸蕭颯入東軒或擬湖中宿留船在寺門

旅泊景空寺宿幽上人院

前人

不與人境接寺門開向山暮鍾寒鳥聚秋雨病僧閑月隱
雲樹外螢飛廊宇間幸投花界宿暫得靜心顏

宿靈巖寺上院

前人

高高白月上青林客去僧歸獨夜深葦血屏除唯對酒歌
鍾放散只留琴更無俗物當人眼但有泉聲洗我心最愛
曉亭東望好太湖煙水淥沉沉

四十七

文苑三百三十七

四

憶登栖霞寺峯懷望

勅梁簡文

李紳

香印煙火息法堂鍾磬餘紗燈耿晨焰釋子安禪居林葉
脫紅影竹煙含綺踈星珠錯落耀月宇參差顧眺匪恣
適曠襟懷卷舒江海淼清盪丘陵何所如滔滔可問津耕
者非長沮茅嶺感仙客蕭園成古墟移步下碧峯涉澗更
躊躇鳥噪啄秋果翠鷺銜素魚迴塘彩鷁來落景標一作
林筵漾漾棹翻月蕭蕭風襲袂勞歌起舊思感歎竟難據
却數共遊者凋落非里閭

同徐城李明府遊重光寺題晃師房

劉商

野寺僧房遠陶潛引客來鳥喧殘果落蘭敗幾花開真性
知無住微言欲望迴竹風清磬晚歸策步蒼苔

題悟空寺

前人

扁舟水淼淼曲岸復長塘古寺春山上登樓憶故鄉雲煙橫極浦花木擁迴廊更有思歸意晴明陟上方

題廢禪居寺

前人

凋殘精舍在連步訪緇衣古殿門空掩楊花雪亂飛鶴巢松影薄僧少磬一作聲稀青眼能留客踈鍾逼夜歸

過無可上人院

姚合

寥寥聽不盡孤磬與踈鍾煩惱師長別清涼我暫逢蟻行經古蘚鶴毳落深松自想歸時路塵埃復幾重

題雲花寺寶上人院

前人

九陌最幽寺吾師院復深煙霜同覆屋松竹雜成林鳥語境微集作彌寂客來機自沉早年集作知如到此應不帶朝簪

僧院引泉

前人

四百三十一

文苑二百三十七

五

題山寺

前人

千重山崦裏樓閣影參差未暇尋僧院先看置寺碑竹深行漸暗石穩坐多時古塔地蟲善陰廊鳥雀癡雲開上界近泉落下方遲為愛青桐葉因題滿樹詩

靈準上人院

賈島

掩扉常太半集作當太白臘數等松椿禁漏來遙一作遲夜山泉落近隣經聲終卷曉草色幾牙春海內知名士交遊湯上人

以下七首並見集本

昇道精舍南臺對月寄姚合

前人

月向南臺見秋霖洗滌餘出逢危葉落靜益衆峯踈冷露尋時有禪窓此夜虛相思聊悵望潤氣徧衣裾集作初

題青龍寺鏡公房

前人

一夕曾留宿終南搖落時孤燈岡舍掩殘磬雪風吹樹老

因寒折泉深出井遲踪慵豈有事多失上方期

宿贊上人房

前人

堦前多是竹閑地擬栽松朱點草書疏雪平麻履蹤御溝
寒夜雨宮寺靜時鍾此室無他事來尋集作不厭重

就可公宿

前人

十里尋幽寺寒流數派分僧同雪夜坐鴈向草堂聞靜語
終燈燭餘生許嶠雲猶集作來多抱疾聲不達明君

宿慈恩寺郁公房

前人

病身來寄宿自掃一牀閑反照臨江磬新秋過雨山竹陰
移冷月荷氣帶禪關獨往天台意方從內請還

崇聖寺斌公房

前人

近來唯一食樹下掩禪扉落日寒山磬多年壞衲衣白鬚
長更刺青靄遠還歸仍說遊南岳經行是息機

四十七

文苑三百三十七

六

早秋寄題天竺靈隱寺

前人

峯前峯後寺新秋絕頂高窻見沃洲人在定中聞蟋蟀鶴
曾棲處挂獼猴一作猴山鍾夜度空江水汀草集作寒生古石
樓心意懸帆身未遂謝公此地昔年遊

宿西嶽白石院

釋無可

白石上嵌崆寒雲西復東瀑流懸佐麴鷓鶴失禪中岳壁
松多古壇基雪不通未能親近去擁褐媿相同

青龍寺縱公房

前人

從誰得法印一作傳不離上方傳夕磬城霜下寒房竹月
圓燈一作煙殘衰木落一作客往積一作積雲邊未隱滄洲去

時來於此禪

作皆高僧詩

過石谿寺寄姚負外

前人

門逕衆峯頭盤巖復轉溝雲僧隨樹老古木落江流峽皖

有時到秦人今日遊謝公多晚望此境在南樓

安國寺靜居法師故院

前人

雨後清涼境因過欲不迴井甘桐有露竹迸地多苔幡映
宮牆動香從御苑一作殿來青牛舊經疏寥落有誰開

遊山寺

盤落集作盤登

前人

千峯盤落盡林寺昔何名步步入山影房房聞水聲多年
人跡斷殘日石陰清自可求居止安閑過此生

寄題廬山二林寺

前人

廬岳東南秀香花慧遠蹤名齊松高一作高嶺峻氣比沃洲濃
積岫連何處幽崖越幾重雙流溢隱隱九派棹憧憧山限
東西寺林交旦暮鍾半天傾瀑溜數郡見鑪峯巖並金繩
道潭分玉像容江微匡俗路日杲晉朝松椽逕新苞拊梅
籬故葉壅嵐光生疊砌霞焰發高墉窻籟虛聞狔庭煙黑

四六十三

文苑三百三十七

七

過龍定僧仙嶠起逋客虎溪逢渡落垂楊戶荒涼種杏封
塔留紅舍利池吐白芙蓉畫壁披一作和雲見禪衣對鶴縫
喧經泉滴瀝沒履草丰茸翠竇欹攀乳苔橋側杖筇探竒
盈夢想搜峭滌心曾冥奧終難盡登臨惜未從上方薇蕨
滿歸去養乖慵

入隱靜寺途中作

周賀

亂雲遙遠寺入路認青松鳥翅綠巢影僧鞋印雪蹤草煙
連野燒溪霧隔霜鍾更問樵人院猶言過數峯集作更過樵人院猶言過數峯

空上人移居太雲寺

前人

竹谿人請住何日向中峯瓦舍山情少齋身病色濃臘高
移坐次菊淺露行蹤來往湓城下三年兩度逢

宿甄山南溪畫公院

前人

從來作何客別離經半年却來峯頂宿知廢甄南禪餘霧

沉斜月孤燈照落泉何時閑事盡相伴老溪邊

宿隱靜寺上方

前人

一宿五峯杯渡寺虛廊中夜磬聲分疎林未纔一作落上方
月深澗忽生平地雲高鳥背泉栖靜境遠人當燭想遺文
暫來此地歇勞足望斷故山滄海濱

宿僧院

劉得仁

禪地集作無塵夜焚香話所歸樹搖幽鳥夢螢入定僧衣
破月斜天半高河下霧集作微翻令嫌白日集作動即與
心違

題景玄禪師院

前人

古僧精進者師復是誰流道貴愧一作行無我禪難說到頭
汲泉羸鶴立擁褐集作老猿愁曾住深山院何如此院幽

宿普濟寺

前人

京寺數何窮清閑此不同曲江臨閣北御苑一作自牆東
廣陌車音急危樓夕景通亂峯沉暝野毒暑過秋空幡颺
虛無裏星生杳靄中月光籠月殿蓮氣入蓮宮綴草涼天
露吹人古木風飲茶除假寐聞磬釋塵蒙童子眠苔淨高
僧話漏終俄撞曉鍾後萬井復朦朧

青龍寺僧院

前人

常多簪組客非獨看高松此地堪終日開門見數峯苔苔新
禽跡少泉冷樹陰重師意如山裏空房晚暮鍾

冬日題邵公院

前人

無事關多掩陰塔竹拂苔勁風吹雪聚渴鳥啄冰開樹向
寒山得人從瀑布來終期天目老擎錫逐雲迴

夏日遊慈恩寺

前人

何處消長日慈恩精舍頻僧高容野客樹密絕罽塵閑上

凌虛塔相逢避暑人却愁歸去路馬跡並車輪

晚遊慈恩寺

前人

寺去幽居近每來因採薇伴僧行不困臨水語忘歸磬動
青林晚人驚白鷺飛堪嗟浮俗事皆與道相違

秋晚與友人遊青龍寺

前人

直集作高視終南秀西風度閣涼一生同隙影幾處好山光
暮鳥投羸木寒鍾送夕陽因君話心地川國暝宿僧房

慈恩寺塔下避暑

前人

古松凌巨塔脩竹映空廊竟日聞虛籟深山止集作只此涼
僧真生我敬水澹發茶香坐久東樓望集作上鍾聲振集作送

夕陽

文苑英華卷第二百三十七

登仕郎胡 柯 鄉貢進士彭 叔夏 校正

文苑英華卷第二百三十八

詩八十八

寺院六塔附

温庭筠十首

杜牧三首

許渾十首

喻鳧五首

盧肇一首

趙嘏十首

方干六首

李洞十首

李羣玉二首

陳陶二首

張祜七首

羅鄴一首

宿澧曲僧舍

温庭筠

東郊和氣新芳靄遠如塵客舍

路一作停疲馬僧牆畫故人

沃田桑景晚平野菜花春更想嚴家瀨微風蕩白蘋

和友人盤石寺逢舊友

前人

楚寺上方宿蒲堂皆舊遊月溪逢遠客煙浪有歸舟江館

三十八

文苑二百三十八

喻敷

白蘋夜水關紅葉秋西風吹暮雨江

江一作草更堪愁

宿一公精舍

前人

夜闌黃葉寺瓶錫兩俱能松下石橋路雨中山殿燈

雨山中佛殿燈

茶爐天姥客棊席剡溪僧還笑長門賦高秋卧茂陵

月中宿雲居寺上方

前人

虛閣披衣坐寒階踏葉行衆星中夜少圓月上方明靄盡

無林色喧餘有澗聲祇應愁恨事還逐曉光生

題中南佛塔院

前人

鳴泉隔翠微千里到柴扉地勝人無慾林昏虎有威澗苔

侵客屨山雪入禪衣桂樹芳陰在還期歲晏歸

題西明寺僧院

前人

曾識匡山遠法師低松片石對前墀為尋名畫來過寺因

訪閑人得看碁新鴈參差雲碧處寒鴉寥落集作亂葉紅時

自知終有張華識不向滄洲理釣絲

宿松門寺

前人

白石青崖世界分卷簾孤坐獨氛氲林間禪室春深雪潭
上龍堂夜半雲落日蒼荒一作涼登閣在曉鍾搖蕩隔江牆
聞西山舊是經行地願漱寒瓶逐領軍

馬嵬佛寺

前人

荒雞夜唱戰塵深五鼓雕輿過上林才信傾城是真語直
教塗地始甘心兩重秦苑成千里一炷胡香抵一作萬金
曼情死來無絕藝後人誰肯惜青禽司馬相如傳注青琴古神女也一本作青琴

清涼寺

前人

黃花紅樹謝芳蹊宮殿參差黛巘西詩閣曉窗藏雪嶺畫
堂秋水接藍溪松飄晚吹捲金鐸竹蔭寒苔上石梯妙跡
奇名竟何往下方煙暝草萋萋

四四三

文苑三百三十八

二

喻激

開聖寺

前人

路分溪石夾煙叢十里蕭蕭古樹風出寺馬嘶秋色裏向
陵鴉亂夕陽中竹間泉落山厨靜塔下僧歸影殿空猶有
南朝舊碑在敢集作將興廢問漁翁集作休公

寄題甘露寺北軒

杜牧

曾上蓬萊宮裏行北軒欄檻最留情孤高堪弄相伊笛縹
緲宜聞子晉笙天接海門秋水色煙籠鹿一作苑暮鍾聲
他年會著荷衣去不向山僧道姓名

題禪院

前人

航集作船一棹百分空千載集作十歲青春不負公今日鬢絲
禪榻畔茶煙悠集作輕颺落花中風集作

題宣州開元寺

寺置於東晉時

前人

南朝謝眺城東吳最深處亡國去如鴻遺寺藏煙塢樓飛

九十尺廊環四百柱高高下下中風繞松桂樹青苔照朱閣白鳥兩相語溪聲入僧夢月色輝粉渚集作堵閱景無旦夕憑一作凭攔有今古留我酒一樽前山看春雨

將歸塗口宿鬱林寺道玄上人院 許渾

西巖一磬長僧起樹蒼蒼開殿灑寒水誦經焚曉集作晚竹風雲漸散杉露月猶光無復重來此歸舟凌夕陽

潼關蘭若 前人

來往幾經過前軒枕大河遠帆春水闊高寺夕陽多蝶影下紅藥鳥聲喧綠蘿故山歸未得徒詠採芝歌

題恩德寺 前人

樓臺橫復重猶在集作有半巖空蘿洞淺深水竹廊高下風晴山踈雨外集作後秋樹斷雲中未竟集作盡平生意孤帆又向東

四三五 文苑三首三十八 三 曾千

崇聖寺寺即故行宮 前人

西林本行殿池榭日坡陀雨過水初漲雲開山漸多晚街墜御柳秋院閉宮莎借問龍歸處鼎湖空碧波

與裴三十秀才自越西歸望亭阻凍登虎丘 前人

精舍集作山寺 春草越吳關集作間心期旦夕還酒鄉逢客病詩境遇僧閑倚棹冰交集作生浦登樓雪滿山東風猶集作不可待歸驢已

下第寓居崇聖寺感事 前人

懷玉泣京華舊山歸路賒靜依禪客院幽學野人家林晚鳥爭樹園春蜂護花東門有閑地誰種邵平瓜

渚集作洛東蘭若夜歸 前人

一衲老禪床吾生半異鄉管絃愁裏醉書劍夢中忙鳥急

山初暝蟬稀樹正涼又歸何處去塵路月蒼蒼

寓居開元寺

集作開元精舍

酬薛秀才見贈

集作贈

前人

知已蕭條信陸沉茂陵扶病卧西林
芟荷風起客堂靜松桂月高僧院深
清露下時傷旅躡白雲歸處寄鄉心
勞君詩思猶相憶題在書

集作空

齋夜夜吟

和河南楊少尹春陪薛司空石笋詩

前人

暖溪寒井碧巖前謝傳賓朋盛綺筵
雲斷石峯高並笋日臨山勢遠開蓮
閑留幢節低春水醉擁一作筵歌出暮煙
聞道詩成歸已夕柳風花露月初圓

題蘇州虎丘寺僧院

前人

暫引寒泉濯遠塵此生多是異鄉人
荆溪夜雨花飛疾吳苑秋風月蒲頻
萬里高低門一作雲外路百年榮辱夢中身
世間誰似西林客一卧煙霞四十春

與六年五

文集三百三十八

四

千

遊山北集作北山寺

喻鳧

煙岡影畔寺遊步此時孤庭靜眾藥在鶴閑
雙檜枯藍峯露秋院灑水入春厨便可棲
心跡如何返舊途

冬日題無可上人院

前人

入戶道心生茶集閑踏葉行瀉風瓶水澁承
雪鶴巢傾閣北長河氣窻東一檜聲詩言與
禪味語默此皆清

遊雲際寺

前人

澗壑吼風雷香門集作禪關絕頂開閣寒僧不下
鍾定虎常一作長來鳥啄林梢菓鼯跳竹裏苔
心源暫無集作無一事塵界擬休回

宿翠微寺

前人

沿溪又涉嶺始喜入集作到前軒鍾度鳥沉壑
殿高雲濕幡涼泉墮衆石古木徹踈猿月上
僧皆近集作初定斯遊豈易言

隱集作岫禪師南溪蘭若

前人

錫影配瓶光孤溪集作脩心默草堂水懸青石磴鍾動白雲
床樹色含殘雨河流帶夕陽唯應無月夜瞑目見
他方

題甘露寺

盧肇

北固巖端寺佳名自上台地從京口斷山到海門迴曙色
煙中滅潮聲日下來一隅通雉堞千仞聳樓臺林暗疑降
虎江空想度杯福庭增氣象仙磬落昭回覺路花非染流
年景護惟隋宮凋綠草晉室散黃埃西蜀波湍盡東溟日
月開如登最高處應得見蓬萊

重遊楚國寺

趙嘏

往事飄然去集作竟不迴空餘山色在樓臺池塘風集作春暖

鴈尋去松桂寺高集作松檜樹高人獨來莊叟著書眞達者賈生

揮涕信悠哉老僧心地閑於水猶被流年日月催集作白髮催

四五十一 文二百三十八 五 全

宿楚國寺有懷

前人

風動衰荷寂寞香斷煙殘月共蒼蒼寒生晚寺波搖壁紅
墮踈林葉滿床起鴈似驚南浦棹陰雲欲護北樓霜江邊
松菊荒應盡八月長安夜正長

宿靈巖寺即古吳宮

前人

明月溪頭寺蟲聲滿橘洲倚欄香徑晚移石太湖秋古
樹一作老樹集作樹老雲歸盡荒臺集作臺荒水更流無人見惆悵獨
上最高樓

越中寺居

前人

遲客踈林下斜溪小艇通野橋連寺月高竹半樓風水靜
魚吹浪枝閑鳥下空數峯相向綠日夕郡城東

初入寺居寄上元相公

見二百三十三卷題

前人

波上前篇作江上遶竹前篇作看竹恩酬前篇作酬恩

浙東陪元相公遊雲門寺

前人

松下山前一逕通燭迎千騎蒲山集作

紅溪雲乍歛幽一作高

巖雨曉氣初高集作

開

大旆風小檻宴花容客醉上方看竹

與僧同歸來吹盡巖城角路轉高集作塘亂水東

題天鄉寺神亮上人院亮不出院五年已見

二十三卷題作贈天鄉寺神亮上人

前人

月色簾西見

前篇作日經聲前篇作色簾前見

早發剡中法堂寺

集作石城寺

前人

暫息勞生樹色間

集作半日間

平明塵事

集作機慮

又相關吟辭宿

處煙霞去

一作外

心身集作

負秋來水石閑竹戶半開鍾未絕

松枝靜霽鶴初還明朝一倍堪惆悵回首塵中見此山

三像寺酬元祕書

前人

官惣芸香閣署蓬可憐詩句落春風偶然侍坐水聲裏還

四李

文二百三十八

六

庶

許醉吟松影中車馬照來紅樹合煙霞詠盡翠微空不因

高寺閑回首誰識飄飄

飄零一作塞翁

此詩二百六十三卷重出今已削去

宿四祖寺

前人

千株松下雙峯寺一盞燈前萬里身自是心猿不調伏祖

師元是世間人

寒食宿先天寺無可上人房

方干

雙扉檜下開寄宿石房苔幡北燈花動城西雪霰來收某

想雲夢罷罷名議天台同憶前年臘師初白閣迴

題寶林山禪院

前人

山捧亭臺郭遶山徑盤蒼翠到山巔巖中古井雖通海窟

裏陰雲不上天羅列衆星依木末周迴萬室在簷前我來

可要師歸

集作

禪老一寸寒灰已達禪

題應天寺上方兼呈謙上人

前人

中天坐卧見人寰峭石垂藤不易攀晴卷風雷歸故壑夜
和猿鳥鎖寒山勢橫綠野蒼茫外影落平湖瀲灩間師在
西巖最高處路尋之字一作見禪關

題報恩寺上方

前人

來來先上上方看眼界無窮世界寬巖溜噴空晴似雨林
蘿礙日夏多寒衆山迢遞皆相疊一路高低不記盤清峭
關心惜歸去他時夢到亦難拚一作難判

書法華寺上方禪師僧壁

前人

砌下松巔有鶴栖孤猿亦在鶴邊啼卧聞雷雨歸巖早坐
覺集作見星辰去地低一徑穿緣應在集作就郭千花掩映似
無溪是非生死多憂惱此日憑集作蒙師為破迷

題法華寺絕頂禪家壁

前人

蒼翠岩峩逼窅冥下方雷雨上方晴飛流便向砌邊挂片
月影從窻外行馴鹿不知誰結侶野禽多是自呼名只應
禪者無來去坐看千山白髮生

秋宿荆上人禪房

李洞

江房無葉落松影帶山高蒲寺中秋月孤窻入夜濤舊真
懸磬壁老髮逐銅刀卧看曉耕者與師知苦勞

宿書僧院

前人

夜水筆前澄時推外學能書成百箇字庭轉幾遭燈寄墨
大壇吏分牋蜀國僧為題江寺塔牌挂入雲層

冬日題覺公牛頭蘭若

前人

天寒高木靜一磬隔川一作窻聞鼎水看山陷臺香拂一作掃
雪焚鶴歸遙認刹僧步不離雲石室開禪後輪珠謝聖君

題維摩暢上人房

前人

朽枿集作寒標

諸方遊幾臘五夏五峯銷越講迎騎象一作蕃齋射鴟
冷筇書雪倚朽枿話雲燒從此棲林老一作蒼然三萬朝

題西明寺攻文林復僧房

前人

誰寄湘江一作南信陰窻硯起津燒痕碑入集海角寺留真
樓憩長空鳥鍾驚半闕人御溝圓月會似在草堂身

題竹溪禪院

前人

溪連竹一色竹擁水千竿鳥觸翠微濕人居酷暑寒風搖
瓶影翠一作碎砂陷履痕端爽極青桂樹流平綠峽灘闊來
披衲數漲後卷經看三境通禪寂埃塵染着難

題新安國寺

前人

佛亦遇艱難重興累慶壇偃松枝舊折畫竹粉新乾開講
宮娃聽拋生禁鳥食鍾聲常入夢天竺化長安

宿鳳翔天柱寺窮易玄上人房

前人

四子

女苑二百三十八

八

天柱暮相逢吟思天柱峯墨研清露月茶吸白雲鍾卧語
身粘蘚一作安禪頂拂松探一作深玄為一訣一作明日去

臨印

參禪一作行禪

贈西明白覺上人房

前人

御溝尋岸行遠岫見雲生松下度三伏磬中銷五更雨霖
經閣白日閃剃刀明海畔終須去燒燈老國清

題雲際寺

前人

門開風雪頂上徹困飛禽猿戲青冥裏人行紫翠閣一作陰
臘雲冰下出夜磬月中尋盡欲居巖室如何不一一作住心

登蒲澗寺後二巖二首

李羣玉

五仙騎五羊何代降茲鄉澗有堯時韭一作菘蒲也山餘禹

代一作集日糴樓臺籠海色草樹羨一作發天香吟嘯秋一作笑波光

裏浮溟興甚長

行盡崎嶇路驚從汗漫遊青天豁眼客集作快碧海醒心秋
便欲尋河漢因之犯斗牛九霄身自致何必遇一作浮丘

題居上人法華新院

陳陶

浮名深般若方等設蓮華鍾唄成僧國湖山稱法家一塵
多寶塔千佛大牛車能誘泥犁客超然識聚沙

題豫章西山香城寺

前人

十地巖宮禮竺皇旃檀樓閣半天香祇園樹老梵聲小雪
巖花香燈影長霄漢落泉供月界蓬壺靈鳥侍雲房何年
七七空人降金錫珠壇蒲上方

杭州孤山寺

張祜

樓臺聳碧岑一徑入湖心不雨山長潤無雲水自陰斷橋
荒蘚滋空院落花深獨集作憶西窻夜集作一作外鍾聲盡北

集作在北林一作到此

此詩一百五十九卷重出今已削去注異同為一作

常州無錫縣惠山寺

前人

舊宅人何在空門客自過泉聲到池盡山集作色上樓多
小洞穿集作斜竹重階夾瘦莎般勤入集作城市雲水暮

鍾和

潤州甘露寺

前人

千重構橫險高步出塵埃日月光先到集作江山勢盡來
冷雲虛水石清露滴樓臺況是東溟上平生憶集作一開

金山寺

前人

一宿金山頂集作微茫水國分集作超然僧歸夜船月龍
出曉堂雲樹影中流見鍾聲兩岸聞因悲集作在朝市終

日醉醺醺

石頭城寺

前人

山勢抱煙光重門突岫傍連簷金一作天像閣半壁石龕廊
碧樹叢高頂清池占下方徒悲官遊意盡日老僧房

題招隱寺

前人

千年戴顓宅佛廟此崇修古寺集作人名在清泉鹿跡幽
竹光寒閉院山影夜藏樓未得高僧旨煙霞空暫遊

秋夜登潤州慈和寺上方二字集

前人

清夜浮埃暫歇集作暫出又作歇井鄜塔輪金照露華鮮人行中路月
生海鶴語上方星滿天樓影半集作連深岸水鍾聲寒徹遠
林溪集作煙僧房閉盡下樓集作去一半夢魂離集作世緣

夏日宿靈巖寺宗公院

羅鄴

寺入千巖石路長孤吟一宿遠公房卧聽半夜杉壇雨轉
覺中峯枕簟涼花界已無悲喜念塵襟自足是非妨他年

縱使重來此息得心猿鬢已霜

文苑英華卷第二百三十八

登仕郎胡 柯 鄉貢進士彭 勣 校正

文苑英華卷第二百三十九

詩八十九

寺院七 塔附

姚鵠二首

馬戴六首

顧非熊一首

薛能五首

李頻三首

李郢一首

皮日休三首

鄭谷九首

杜荀鶴三首

張喬八首

周繇四首

楊夔一首

張蠙三首

曹松四首

周朴六首

羅隱四首

裴說五首

野寺寓居即事二首

姚鵠

南山色當戶初日半簷時鶴去卧看遠僧來嫌起遲窻明

手卅四

原

雲影斷庭曉樹陰移何處題新句連谿密葉垂

二

古寺更何有當庭唯折幢伴僧青蘚榻對兩白雲窻暝色

坐前嶺離魂隔遠江沙洲半藜草飛鷺白雙雙

題石甕寺

馬戴

僧室並皇宮雲門輦路同渭分雙闕北山迴五陵東脩綆

懸林表深泉汲洞中人煙窺垤蟻駕瓦拂冥鴻蘚壁松生

峭龕燈月照空稀逢息心侶獨禮竺乾公

題靜住寺欽用上人房

前人

寺近朝天路多聞玉珮音鑿人開慧眼歸鳥息禪心磬接

星河曙窻連夏木深此中能一作宴坐何必在雲林

宿翠微寺

前人

處處松生蒲樵開一逕通鳥歸霜集作磬盡僧語石樓集作

空積翠含微明集作月遙泉韻細風經行心不厭集作似在
憶集作故山中

宿無可上人房集作宿

前人

稀逢息心侶細話遠集作山期河集作漢秋生集作夜杉
梧露滴時風傳林磬夕集作月掩集作草堂遲坐卧禪心
在浮生皆不知

題興善寺英律師院

前人

虛室燃集作香久看心悟幾生瀘泉侵月起掃徑避蟲行
樹隔前朝在苔滋廢渚平我來風雨夜像設一燈明

題廬山寺

前人

白茅為屋宇編荆數處塔墀石疊成東谷笑言西谷響
下方雲雨上方晴鼠驚樵客綠蒼壁猿戲山頭撼紫裡別有
一條投澗水竹筒斜引入茶鑪

中六

文苑三百三十九

二

姚巖寺路懷友

顧非熊

路向姚巖寺多行洞壑間鶴聲連塢靜溪色帶村閑
秋前渚斜陽雨外山憐一作君不得見詩思最相關

夏日寺中有懷

薛能

亭午四隣睡院中唯鳥鳴當門塞鴻去欹枕世人情
地燥春苔裂天涼晚月生歸家豈不願辛苦未知名

夏日蒲津寺居二首

前人

日日閑車馬誰來訪此身一門兼鶴靜四院與僧隣
室牆穿溜風窻筆染塵集作空餘氣長在天子用平人

二

故國有如餘一作夢省來長遠遊清晨起閑院
疎雨似深秋宿寢書稜疊行吟杖跡稠天晴豈能出
春暖未更裘

北都一作題崇福寺寺即高祖舊宅

前人

此地潛龍寺何基即帝臺細花庭樹蔭清氣殿門開長老
多相識旬休暫一來空空亦擬解干進幸無媒

題龍興寺

前人

高戶列禪房松門到上方像開祇樹嶺人施蜀城香地遍
磷磷石江移子子樞林僧語不盡身役集作事梁王

秋宿慈恩寺遂上人院

李頻

滿閣終南色清秋獨倚欄風高斜漢動葉下曲江寒帝里
求名老空門見性難吾師無一事不似在長安

暮秋宿清源上人院

前人

野客愁來日山房木落中微風生夜半積雨向秋終證道
方離法安禪不住空迷途將覺路語默見西東

秋夜宿重本上人院

前人

却憶涼堂坐明河幾度流安禪逢小暑抱疾入高秋水國

四十九

文苑三百三十九

三

原

曾重講雲林半舊遊此來看月落還是道相求

宿凌上人房

李郢

重公舊相識一夕話勞生藥裏關身病經函寄道情嶽寒
當寺色灘夜入樓聲不待移文請三年別赤城

遊栖霞寺

皮日休

不見明居士空山但寂寥白蓮吟次缺青霽坐來銷泉冷
無三伏松枯有六朝何時石上月相對論逍遙

題潼關蘭若

前人

潼津罷警言有招提近百年無戰馬嘶壯士不言三尺劍謀
臣休道一九泥昔時馳道洪波上今日宸居紫氣西關吏
不勞重借問棄繻生擬入耶溪

題興善寺寂上人院

鄭谷

客來風雨後院靜似荒涼罷講蛩離砌思山葉滿廊臘高

興故疾爐煖發餘香自說匡廬側杉陰半石床

題興善寺

前人

寺在帝城陰清虛勝二林鮮侵隋晝暗茶助越甌深巢鶴

和鍾喉詩僧倚錫吟煙莎後池水前跡香難尋十才子詩集多有興

善寺後池之作今寺在池燕沒每用追歎

舟次通泉精舍

前人

江清如洛汭寺好似香山勞倦孤舟裏登臨半日間樹涼

巢鶴健巖響語僧閑更共幽雲約秋隨絳帳還時谷將之廬州省拜恩地

宿澄泉蘭若

前人

山半古招提空林雪月迷亂流分石上斜漢在松西雲集

寒庵宿猿先曉磬啼此心如了了祇此是曹溪

題莊嚴寺休公院

前人

秋深庭色好紅葉間青松病客殊無著吾師甚見容踈鍾

四五九

文苑上卷三十九

四

原

和細溜孤塔等遙峯未省求名侶頻於此地逢

慈恩寺偶題

前人

往事悠悠添浩歎勞生擾擾竟何能故山歲晚不歸去高

塔晴來獨自登林下聽經秋苑鹿江邊掃葉夕陽僧吟餘

却起雙峯念曾看庵西瀑布冰

次韻和秀上人長安寺居言懷寄渚宮禪者一作師前人

舊齋松老別多年蓮一作鄉社人稀喪亂間出寺只知趨內

殿閉門長似在深山卧聽秦樹一作甸秋鍾斷吟想荆江夕

鳥還唯恐興來飛錫去老郎無路更追攀

少華甘露寺

前人

石門蘿徑與天隣雨檜風篁遠近聞飲澗鹿喧雙派水上

樓集作登山僧踏一梯雲孤煙薄暮關城沒遠色初晴渭曲分

長憶集作欲燃香來此宿北林猿鶴舊同羣

七祖院小山

前人

小巧功成雨蘚斑，軒車日日扣松關。峨眉咫尺無人去，却向僧窻看假山。

題戰島僧居

在江之心

杜荀鶴

師愛無塵地，江心島上居。接船求化慣，登陸赴齋踈。載土春栽竹，集作樹拋生日餒魚。入雲蕭帝寺，畢竟欲何如。

題兜率寺閑上人院

前人

人間寺應諸天號，真行僧禪此寺中。百歲有涯頭上雪，萬般無染耳邊風。挂帆波浪驚心白，上馬塵埃翳眼紅。畢竟浮華謾勞役，算來何處集作事不歸空。

中山臨上人院觀牡丹寄諸從弟

集作事

前人

閑來吟遶牡丹叢，花艷人生事略同。半雨半風三月內，多愁多病百年中。開當韶景何妨好，落向僧家即是空。一境別無唯有此，忍教醒坐對支公。

題山僧院

張喬

谿路曾來日年多，與舊同地寒松影裏僧。老磬聲中遠水清，風落閑雲是院通。心源若無礙，何必更論空。

遊靈山寺

前人

樹涼青島寺，虛閣敞禪扉。四面閑雲入，中流獨鳥歸。湖平幽徑近，船泊夜香微。一宿秋風裏，煙波隔擣衣。

遊歙州興唐寺

前人

山橋通絕境，到此憶天台。竹裏尋幽徑，雲邊上古臺。鳥歸殘照出，鍾斷細泉來。為愛澄溪月，因成隔宿迴。

題詮律師院

前人

院涼松雨聲相對，有山情未許谿邊老。猶一作還思嶽頂行，紗燈留火細石井。灌瓶清欲問吾師，外何人得此生。

金山寺空上人院

前人

已老金山頂無心上石橋講移三楚遍梵譯五天遙板閣
禪闕秋月銅瓶汲夜潮自慙昏醉客來坐亦通宵

題廣信寺

前人

亭北敞靈溪林梢與檻齊野雲來影遠沙鳥去行低晚渡
明村火晴山響郡輦思鄉值搖落賴不有猿啼

遊少華山甘露寺

前人

少華中峯寺高秋衆景歸地連秦塞起河隔晉山微晚木
蟬相應涼天鴈並飛殷勤記巖石只恐再來稀

甘露寺僧房

前人

臨水登山路重尋旅思勞竹陰行處密僧臘別來高遠岫
明寒火危樓響夜濤悲秋不成寐明月上千艘

登甘露寺

周繇

盤江上幾層峭壁半垂藤殿鎖南朝像龕禪外國僧海濤
搗砌檻山雨灑牕燈日暮踈鐘起聲聲徹廣陵

甘露寺東軒

前人

每日憐晴眺閑吟只自娛山從平地有水到遠天無老樹
多封楚輕煙暗染吳雖居此廊下入戶亦踟躕

甘露寺北軒

前人

曉色宜閑望山風遠益清白雲連晉閣碧樹盡蕪城水靜
沙痕出煙消火野平最堪佳此境爲我長詩情

題金陵栖霞寺贈月公

前人

明家不要買山錢施作清池一作宮種白蓮松檜老依雲外
地樓臺深鎖洞中天風經絕頂迴踈雨石倚危屏挂落泉
欲結茅庵伴師住肯饒多少薜蘿煙

題甘露寺

楊夔

高殿拂雲霓登臨想虎溪風勻帆影衆煙亂鳥行迷北倚
波濤闊南窺井邑低滿城塵漠漠隔岸草萋萋虛閣延秋
磬澄江響暮聲客心還惜去新月挂樓西

題宣州延慶寺益公院

咸通中入講
極承恩澤

前人

嘿坐能除萬種情臘高兼有賜衣榮講經舊說傾朝聽登
殿曾聞降輦迎幽逕北連千嶂碧虛窓東望一川平長年
門外無塵客時見元戎駐旆旌

題紫閣院

張翊

上方人海外苔徑上千層洞壑有靈藥房廊無老僧古巖
雕素像喬木挂寒燈每到思脩隱將迴欲不能

宿山寺

前人

中峯半夜起忽覺在青冥此界自生雨上方猶有星樓高
鍾尚一作獨遠殿古像多靈好是潺湲水房房伴誦經

四十五

文苑五百卅九

七

原

宿開照寺光澤上人院

前人

靜室譚玄旨清宵獨細聽真身非有像至理本無經鍾定
遙聞水樓高別見星不教人觸穢偏說此山靈

書翠巖寺壁

曹松

何年話尊宿瞻禮此堂中入郭非無路歸林自學空澱瓶
雲嶠水迸磬雪川風時說南廬事知師用意同

題甘露寺

前人

禪集作門接巨壘集作壘畫角間清鍾北固一何峭西僧多
此逢天垂無際海雲白夕晴峯旦暮燃燈外濤頭振蟄龍

宿溪僧院

前人

年少雲溪裏禪心夜更閑煎茶留靜者靠月坐蒼山露白
鍾尋定螢多戶未關嵩陽有集作大石室何日卷經還

山寺引泉

前人

劈碎琅玕意有餘，細泉高引入香厨。山僧未肯言根本，莫是銀河漏泄無。

題甘露寺

周朴

層閣疊危壁，瑞因一作因成千古名。幾連揚子路，獨倚潤州城。雲共銜江色，鷗高背磬聲。僧居上方久，端坐見營營。

題玄公院

前人

院深塵目外集作幽深，如佛值玄公。常跡集作疏或非集作悲，次志門因得。中衣巾離暑，氣床榻向涼。風是事不逾，分祗應明德同。

福州一作唐東禪寺集作院

前人

甌閩在郊外，師院號東禪。物得居來正，人經綸集作論。後賢鮑集作絕槽柳塞馬，蓋地月支緹集作遊。鶴鵲尚集作更巢頂，唯堪舉世傳。

宿玉泉寺

前人

野寺度殘夏，空房欲暮一作卧。時夜聽猿不睡，秋思客先知。

四八三
文二百三十九

竹迴煙生薄，山高月上遲。又登塵路去，難與老僧期。

福州神光寺塔

前人

良匠用材為塔了，神光寺更得集作裏更。高名風雲會處，千尋出一作直日月中。時八面明海水旋集作即，流倭國野天文方戴集作載。

福州城相輪頂上望，浮世塵裏人心應總集作早晚平。

福州開元寺塔

前人

開元寺裏七重層一作層，塔遙對方山影。擬齊雜俗人看，離世界集作境。孤高僧上坐集作坐，覺天低唯堪片片紫霞映集作雲外。不與濛濛白霧集作社，迷必若無私羅漢在。參差免向日虹西。

春日獨遊禪智寺

羅隱

遠樹連天水，接空幾年行。樂舊隋宮花，開花謝一作落。長集作還如此人去，人來自不同。蠻鳳調高何處，酒吳牛蹄健蒲車。

風思量只合，騰騰醉煮海。平陳盡集作一夢中，蠻鳳調京本作。

封禪寺居

滴露
京本作
泣露

前人

盛禮何由覩嘉名偶寄居周南太史淚蠻徼長一作卿書
砌竹搖風直庭花滴集作露踈誰能賦秋興千里隔吾廬

金山僧院

前人

根盤蛟蜃路藤蘿四面無塵輟掉過得似吾師始惆悵眼
前終日有風波

春日湘中題嶽麓寺僧院

前人

蟾宮虎穴兩皆休來凭危欄送遠愁多事林鶯還謾語薄
情邊鴈不迴頭春融只恐集作乾坤醉水闊深知世界浮
欲共高僧話心跡野花荒集作草奈相尤

道林寺

裴說

獨立凭危欄高低落照間寺分一派水僧鎖半房山對面
浮世隔垂簾到老閑煙雲與塵土寸步不相關

四十八

九

般若寺

前人

南嶽古般若自來天下知翠籠無價寺光射有名詩一水
湧獸跡五峯排鳳儀高僧引閑步畫出夕陽歸集作高僧閑引
步畫出夕陽時

兜率寺

照魚潭
照集
作落

前人

一片無塵地高連夢澤南僧居跨鳥道佛影照魚潭朽枿
雲斜映平蕪日半涵行行不得住迴首望煙嵐

鹿門寺

前人

鹿門山立寺突兀盡無塵到此修行者應非取次人鳥過
驚石磬日出礙金身何計生煩惱虛空是四隣

題岳州僧舍

前人

喜到重湖北孤洲舟一作橫晚煙鷺啣魚入寺鷓接飯隨船
松檜君山迴菰蒲夢澤連與師吟論處秋水浸遙天

文苑英華卷第二百二十九 登仕郎胡柯 鄉貢進士彭 叔夏校正

文苑英華卷第二百四十

詩九十

誦和一

吳均十首

同輿嗣三首

沈約二首

仕昉一首

王僧孺一首

庾肩吾一首

蕭子雲一首

裴子野一首

劉孝綽三首

王筠二首

袁朗一首

呂讓一首

庾信二首

李那一首

王胄二首

周若冰一首

孫萬壽三首

庾抱一首

誦聞人侍郎別三首

吳均

悵然心不樂萬里尚

類聚作向集作何

悠悠凌朝

集作湖

憩枉渚薄暮

三五二

遵江洲君往青山上

類聚集本並作君住青門上

我發霸陵頭相思自

有處明月清風樓

類聚作春風明月樓集作風月在南樓

二

整棹北川湄回首望城邑林疎風至少山高雲度急共懷

萬里心各作千行泣欲見終無緣思君空佇立

三

舉首川之折離鴻四向飛子憐三湘辭

說文辭與薛同莎也此字相類當考我憶五

陵薇但使同喜遁何必共輕肥思君美如玉不覺見淚沾衣

此首英華不載據集本添入

喜遁疑作嘉道

誦郭臨蒸

類聚作丞

前人

聞君立名義我亦倦晨征馬在城上蹀劍自腰中鳴白日

遼川暗黃塵隴坻生

類聚作驚

願君但銜酒新

類聚作深知有素誠

和蕭洗馬古意

前人

賤妾思不堪採桑渭城南帶減連枝繡髮亂鳳凰簪花舞
依長薄蛾類聚作鵝飛愛淶潭無由報君德流涕向春蠶

謝周參軍

前人

日暮憂人起倚戶長匣一作帳無懽水傳洞庭遠風送鴈門寒

江南霜雪重相如衣服單沉雲隱喬集作高樹細雨滅層巒

且集作是當對樽酒朱絃永夜彈

答柳惲

前人

清晨發隴西日暮飛狐谷秋月照層嶺寒風掃高木霧露
夜侵衣關山曉催軸君去欲何之參差間原陸一見終無
緣懷悲空滿目

謝蕭新浦王洗馬三首

前人

始可結交者文酒蒲金壺圍棋帝臺局繫馬秦王浦長劍
皆玉具短笛悉銀塗送歸日愁蒲留客袂紛吾今成柏山

中世
文苑
四百
一
二
劉信

上秋風星散烏

二

思君出江湄慷慨臨長薄獨對東風酒誰舉指南酌崇蘭
白帶飛青鵝紫纓絡一年流淚同萬里相思各胡為舍旃
去故人在宛洛

三

僕本二陵徒英豪一作俊多久要角觝良家兒期門惡年少

身紆文二組手擎尺一詔問子行何去高帆艤江干今夜

杯酒別明朝江水邊莓莓看細雨漠漠視濃煙颯灑入銅

箭低昂五會船欲知故人者江南共採蓮悵然心不樂跨

馬出城壕觀濤看白鷺望草見青袍青袍行中把蔽草覆

平野公子不垂堂紛紛吾一作吾故紛一作紛交者肘懸辟邪印屋曜

鴛鴦瓦翩翩流水車蕭蕭曳練馬是時君別我青莎沒馬

蹄連連文蠶爾鷺鷥伺朝鷄今日予懷友積雪滿東西

答吳均三首

周興嗣

明燈照暗室邊韶對趙壹但酌中山酒唯甘江浦橘風動雲入箕兩至月離畢王丹贈不拜後漢王丹贈陳遵以不拜出東觀記是我相知日

二

驚鳥起北海儀鳳飛上林鶯低不同翼歡楚亦殊音噓噓夕雲起落落曉星沉李陵報蘇武但令知我心

三

昔別襄城村同會長安市誰學萊蕪甑本得王喬履塔前養素鶴池中飴赤鯉一往玉壺上兼復見蕭史

酬孔通直過懷蓬居

沈約 見類聚

閭闔既洞啓龍樓亦高闕兩宮集鸞步二闈類聚作闈引通籍

伊爾事清途紛吾供一作驚賤役

文苑香甲

三

荆亮

酬謝宣城眺

前人

王喬飛鳥烏東方金馬門從官非官侶避世非避諠揆余發白毛鑿短翮屢飛翻晨趨朝建禮晚沐卧郊園賓至下塵榻憂來命綠尊昔賢侔時雨今守馥蘭蓀神交疲夢寐路遠隔思存

答劉孝綽

任昉

閱水既成瀾藏舟遂移壑彼美洛陽子投我懷秋作父敬類誠言吹嘘似嘲謔兼稱夏雲盡復陳秋樹索詎慰耄嗟人徒深老夫託

秋日愁居答孔主簿

王僧孺 見類聚

首夏雲物善書暑旦猶清日華隨水沉樹影逐風輕依簾野馬合當戶且日耶生物我一無際人鳥不相驚儻過北山北

聊訪法高

一作卿

法真字高卿見後漢逸民傳

和衛尉新喻侯巡城口號

庾肩吾

維城寄右戚巡警屬勤王南瞻通灞北眺指橫芒入漢
飛延閣臨雲上建章步逐天津遠城隨秋方長露槐落金
氣風寮上塹涼

東郊望春詠王建安雋晚遊

蕭子雲

見類聚

金塘綠泉滿上園梨藥落蛺蝶殘花黃鶯對餘萼芳菲
滿郊甸蕙氣生蘭薄子家冠蓋里我館幽棲郭綠柳陰長
溪便橋限清洛相去能幾許一水終踈索

答張貞威

一作阜

裴子野

匈奴時未服一作滅連年被甲兵明君思將帥方聽鼓鼙聲
吾生委逸翮撫劍起徂征非將一作徒慕辛李聊欲逞良平
出車既方軌絕漠且橫行豈伊長纓繫行見黃河清雖令

五言

文苑書中

四

列苑

懦夫勇念別猶有情感子盈篇贈握翫以為榮跂予振凱
歌一作凱含毫備勒成一作銘
一作皆藝文類聚

訓陸長史倕

劉孝綽

王粲始一別猶且一作自歎風雲況余屢之遠與子亟離羣
如何持此念復為今日分分悲宛如昨弦望殊揮霍行舟
雖不見行程猶可度度君路應遠期寄新詩返相望且相
思勞朝復勞晚一作煙相一作望接一作晚薄暮闌人進果得承芳信

集作殷勤覽妙書留連披雅韻列洲財集作賦物慈山行

非集作旅鎮已切臨睨情遽動思歸引歸歟不可即前途方

未極覽諷欲謏研尋還慨息來喻昂雕金比質非所任

虛薄無時集作用徘徊守故林屏居青門外結宇霸城陰

竹庭已南映池牖復東集作臨喬枝貫簷上垂條拂戶陰

條開風暫入葉合影還沉帷屏溽早露階甃擾昏禽衡門

謝車馬賓席簡衣簪雖愧陽陵曲寧無流水琴蕭條聊集

屬和寂寞少知音平生竟何託懷抱共君深一朝四美廢

方見百憂侵日余濫官守因之沂廬九水接淺源陰山帶

荆門集作臺右從容少職事疲病踈僚友命駕獨尋幽淹留

宿廬阜廬阜擅高名岌岌集作迢迢凌太清舒雲類紫府標

霞同赤城北上輪難進東封馬易驚未若茲山險車騎

息逢迎石橫路似絕徑側樹如傾蒙籠乍一啓礫磈無暫

平倚巖忽迴集作迴望接蘿遂上征乍觀秦帝石復憩集作息

周王城交峯隱玉雷對澗距金楹風傳鳳臺瑄雲度洛濱

笙紫書時不至丹爐且未成無因追羽翮及爾宴蓬瀛蓬

瀛不可託悵然反城郭日斜歸路遠偶集作過憩庵園閣雖異商

人勞聊比集作同化城樂影塔圖花樹經臺摠香藥月殿

曜朱幡風輪和寶鐸園援即重嶺階基仍巨壑朝爚響薨

棟夜水聲帷薄餘景驚登臨方宵盡談譎談譎有名僧慧義似

傳燈遠師教逾闡生公道復弘乘非汲引法善忘招報能

積迷頓已悟為懽得未曾為懽誠已往坐卧猶懷想況復

心所親茲地多諧賞惜哉無輕軸更泛輪集作淪湖上可思

不可見離念空盈蕩賈生傳南國平子相東阿優遊匡贊

罷縱橫辭賦多方才幸同貫無令絕詠歌幽谷雖云阻煩

君計吏過

答何記室遜

前人

遊子倦飄蓬瞻途杳未無一作窮晨征凌迸水暮宿犯頽風

出洲分去鷺向浦逐歸鴻蘭芽隱陳葉荻苗一作筍抽故叢

忽憶園間一作中柳猶傷江際楓吾生棄武騎高視獨餘雄

既殫孝王產兼傾卓氏僮罷籍睢陽囿陪謁建章宮紛余

集作紛紛似鑿柄方圓殊未工黑貂久自弊黃金屢已空去辭

迨楚穆還耕偶漢馮巧拙良為異出處嗟莫同若厭蘭
臺右見訪灞陵東

答張左西

前人

相思如三月相望非兩宮持此連枝集作樹暫作背飛鴻

若人惠思集作我攜藻蔚雕蟲仙掌方晞露靈鳥正轉風

方假排虛翮集作相與北山叢

和衛尉新喻侯巡城口號

王筠

閭闔暖已昏鈞陳杳將暮棲烏城上返晚雀林中度屯衛

時巡警言凝威肆安步閣道趨文昌禁兵連武庫銅烏迎早

風金掌承朝露泉魚分曉色睥睨生秋霧維城任寄隆空

想靈均賦伊余方病免丘園保恬素

酬張淮南別

前人

故人杯酒別天清明月亮露下寒葭中風起秋江上衣染

四八十二

文苑二首四十一

六

刘信

潺湲淚掉犯參差浪七首直千金七寶雕華裝生離何用
表賴此持相餉

和洗掾登城南坂望京邑

袁朗

二華連陌塞九隴統金方奧區稱富貴重險擅雄強龍飛灞

水上鳳集岐山陽神臯多瑞跡列代有興王我后膺靈命

爰求宅茲土宸居法太微建國資天府玄風隔闕黎庶德澤

浸區宇醒醉各相扶謳歌從聖主南登少陵岸還望帝城

中帝城何鬱鬱佳氣迺葱葱金鳳凌綺觀璇題敞蘭宮複

道東西合交衢南北通萬國朝前殿羣公議宣室鳴珮含

早風華蟬曜朝日栢梁宴初罷千鍾歡未畢端拱肅巖廊

思賢聽琴瑟逶迤萬雉列隱軫千閭布飛甍夾御溝曲臺

臨上路處處歌鐘鳴一作聽喧闐一作喧車馬度日落長楸

間含情兩相顧是月一作是冬之季陰寒書不開驚風四面

集飛雪千里迴狐白登廊廟牛衣出一作棄草萊詐知韓長孺無復重燃灰

和入京

呂讓

俘囚經萬里憔悴度三春髮改河陽鬢衣餘京洛塵鍾儀悲去楚隨會泣留秦既謝一作得平吳利終成失路人

奉報寄洛州

庾信

舟師會孟津甲子陣東隣雷轅驚戰鼓劔室動金神幕府風雲氣軍門關塞人長旂折鳥羽合甲抱犀鱗星芒一文焰月暈七重輪黎陽水稍綠官渡柳應春無庸表天睠驅傳牧南秦繁詞勞簡牘雜俗弊風塵上洛逢都尉商山見逸民留滯終南下唯當一史臣

和劉儀同

前人

止戈興禮樂脩文盛典謨壁開金石篆河浮雲霧圖芸香

四百六八

文苑青甲

七

劉亮

上延閣碑石向鴻都誦書徵博士明經拜大夫壁池寒水落學樹舊槐枯高談變白馬雄辯塞飛狐月落將軍樹風驚御史烏子雲猶汗簡温舒正削蒲連雲雖有閣終歎想江湖

奉和重適陽關

李那

銜悲向玉關垂淚上瑤臺舞閣懸新網歌梁積故埃紫庭生綠草丹墀染碧苔金扉晝常掩珠簾夜暗開方池含水思芳樹結風哀行雨歸將絕朝雲去不回獨有西陵上松聲薄暮來

答賀屬

王中

外黃初邸客蜀郡晚琴聲本欲從張耳何曾說一作悅馬卿定知遊道日非是弟如行高文擬雜珮善謔間瑤瓊前書言家室末叙挂簪纓問仁寧伐國揚波豈亂清聞有陽臺

客曲一作常留入愛情無為嗟獨割空引助庖名

謝陸常侍

前人

相知四十年別離萬餘里君留五湖曲余去三河溪寒松
君後凋溺灰余僅死何言西北雲復覲東南美深交不忘
故飛觴酌宴喜贈藻發中情竒音邁流徵追惟中歲日於
斯同憩止思之宛如昨儵焉逾二紀疇昔多朋好一旦埋
邁一作蒿里無人莫已知有慟傷知己把臂還相泣歸然吾
與子霑襟行自念哀哉亦已矣吾歸在漆園著書試詞一作經
理勞息乃殊致存亡寧異軌大路不能遵咄哉情可鄙

答江學士恊

周若冰

弱齡愛丘壑與子亟忘歸開襟對泉石携手翫芳菲忽逢
朝市變斯樂眇難追意氣酒中改容顏鏡裏衰祁寒傷暮
節落景促一作惜餘暉野曠蓬常轉林遙鳥倦飛故友輕金
玉萬里嗣音徽鄉關不可望客淚徒霑衣

和孔侍郎觀太常奏新樂已見二百十二卷

孫萬壽

答揚世子

前人

太華五千仞長河九萬里山川蘊玉石人物多君子丞相
朝所宗太尉國之紀若人惟傑出濟世承餘祉趨庭遵教
義溥物兼文史竒聲振宛洛雅論窮名理伊余苦疲病寂
寞罕賓遊不言驅駟馬於焉訪一丘縞紵始云贈膠漆乃
相投伏枕空長想驂蹇遂無由忽此承來翰華藻殊輝煥
雖則濫吹噓可以蠲憂歎一作難懷袖終不滅掌握方留翫
和風初應律山鶯已復新芳菲徒自好節物不關人勞歌
雖有曲無以報陽春

和周記室遊崔景

前人

大夫愍周廟王子泣殷墟自然心斷絕何關繫慘舒僕本

漳濱士舊國亦淪胥紫陌風塵起青壇冠蓋踈臺留子建
賦宮落仲將書譙周自題柱商容誰表閭聞君懷古曲同
病亦連連一作如方知周處歎前後信非虛

和樂記室憶江水

庾抱

遙想觀濤處猶憶採蓮歌無因關塞葉共下洞庭波

文苑英華卷第二百四十


登仕郎胡

柯

鄉貢進士彭

叔夏

校正



內閣大庫舊藏文苑英華一冊存二百廿一至二百四十計十卷宋印宋痕
前有內殿文重柳府周吉後有清熙殿書籍印古在末有嘉定元十月
初六日裝首頁上潤世管託墨戲每半葉十三行，廿二字間有廿一字廿三字
者考周蓋其文苑英華故知此古初僅寫本藏之秘同并誤不可讀乃以
嘉泰初年乃一校勘至四年亦訖知此古蓋其後河後刊本非同板于宣
宗朝而宋印于理宗朝者于嘗取以校明刊本是正二百餘處項此本歸
梓道尤以于嘗手校是亦屬名題識後古後以歸己己之長反上虞羅
振云書于遠東博采町寫居之專待堂



次行宋葉定元年元下
羅吉字字孫三記

景定元年十月初六日

裝背臣王潤照管訖

